



~~THEOLOGIA.~~


~~N.~~


~~1777.~~



35793

I





P

A

In

V

Ad

jo

e

A

==

PALÆSTRA
PIETATIS,

Continens

Documenta sanctè
vivendi & moriendi,

ATHLETIS
MARIANIS,

In Sodalitate Immaculatè
Conceptæ

VIRGINIS DEIPARÆ,

Ad Collegium Posnaniense Societatis

A. P. E. R. T. A.

Operâ

JOANNIS MORAWSKI,

ex eadem Societate Sacerdotis,

EDITIO QUINTA. 6

ANNO DEI HOMINIS 1690.

Superiorum permissu.

POSNANIÆ,

Typis Collegii Societatis J. E. S. U.



NOs verò ad majorem vo-
cati vitam, ad excellenti-
us fastigium ascendimus, &
in majoribus exercemur PA-
LÆSTRIS.

S. Chrysoft: Tom. 5.



APPROBATIO

Imprimatur

Posnanie, &c. 20 Septemb: 1676.

ALBERTUS DOBRZELEWSKI,
Officialis Posnaniensis,
Generalis.

35.793 T.



I
CAPUT I.

Proponuntur quædam
Principia sanctè vivendi.

I.

*Semel Factum, Dictum, Co-
gitatum, æternum est.*



Xplico id Athleta
MARIANE: fecisti ali-
quem amore DEI a-
ctum heroicum? Vi-
dit illum DEUS, qui
omnia videt; & quia
immutabilis est, scri-
psit illum in memoria
sua immutabili, *Nunquam deinceps dele-
ndum.* Ergo tu quoq; in cælo Deum viden-
do, leges istum actum tuum heroicum, totà
xternitate in memoria Dei descriptum, atq;
de ipso cum Deo tuo, & Sanctis omnibus,
totà xternitate gaudebis. Peccasti? Vidit
Deus hoc infelix tuum peccatum in ca-
lco.

A 3.

leco.

CAPUT

loco commissum, illudque scripsit indelebiliter, ut ait Augustinus: *in Legibus aeternis, & in mentibus Angelorum*, ac de illo tota aeternitate displicentiam habebit. Ergo tu quoque, in caelo quamvis beatus, hoc tuum peccatum, tota aeternitate leges, scriptum, in legibus aeternis, atque illud tota aeternitate, detestaberis: & sicut fieri non potest tota aeternitate, ut quod semel fuit, non fuerit, ita tota aeternitate fieri non potest, ut quod semel cogitasti, dixisti, fecisti, a te cogitatum, dictum, factum, non fuerit. Adhucne igitur nullius momenti putabis momentum tuae actionis sive bonae, sive malae, quod immenso aeternitatis pondere appetiendum est? Adhuc in verbis tuis, cogitationibus, & operibus, non vereberis censuram legum aeternarum? non contendes totus, per tuas omnes & singulas cogitationes, verba & facta, ut in memoria aeterna sis iustus.

I I.

Præstat milles mori, quam semel peccare.

Ita verissime sensit noster Polonus Angelus, Sanctus Calimirus. Vis enim scire, quid sit peccatum mortale? est imprimitis cum recta ratione difformitas tam difformis, ut pro nullo bono consequendo etiam pro mille mundis lucrandis, prudenter eligi possit: tam probrosa Creaturae ratio-

rationali, ut merito dixerit Sanctus Anselmus, malle se ire ad infernum cum innocentia, quam ad cælum cum peccato mortali. Est illa intelix conversio, quâ homo ex amico Dei, fit inimicus; ex filio Dei, filius diaboli, ex hærede Regni cœlorum, inferni mancipium. Est rebellio creaturæ contra supremum Principem, & cum hoste, ipsius diabolo conjuratio. Est contemptus voluntatis Divinæ, infinito honore & amore dignissimæ, propter bonum nostrum prohibentis aliquid, & istum contemptum suum videntis. Est, ut ait Apostolus: concuscatio Filii Dei, obstruentis nobis suâ gratia viam ad peccatum. Est prælatio non Barrabæ, sed diaboli, ejusque voluntatis, supra Christum ejusque præceptum. Est sanguinis Christi ad instar rei immundæ reputatio, quâ peccans projicit animam tinctam sanguine Christi in cœnum peccati. Est in voto Deicidium, quod, ut ait Sanctus Bernardus: homo peccando vult interimere aut sapientiam Dei, volendo ne suum peccatum videat; aut justitiam, volendo ne puniat; aut omnipotentiam, volendo ne possit punire, adeoq; vult interimere Deum, qui sine Sapientia, Justitia, Omnipotentia, vivere non potest. O scelus horrendum! Præterea peccatum mortale est illa fœditas, cujus una guttula, id est una cogitatio superba, nobilissimam & pulcherrimam creaturam

C A P U T

turam Angelicam tam turpem, tamq; dete-
 stabilem fecit; qualis est Diabolus. Est ill-
 animæ macula, quæ per viam satisfactionis
 nullo lacrymarum Oceano tota æternitate
 ex oculis pœnitentibus profluentium, nul-
 lo sanguine Martyrum quamvis numero in-
 finitorum, deleri potest, nisi Sanguine Fi-
 lii DEI. Est tam invisita Divinis oculis tur-
 pitudo, ut illa infinita bonitas, nihil eo-
 rum odio habens, quæ fecit, tamen ad ini-
 quitatem eam majori horrore respiciat,
 quàm ad canem fœtidum, & vermibus sca-
 rentem, usq; adeo ut (quod considerat
 Blossius) si in purissima Matre Filii DEI,
 quam supra omnem aliam puram creatu-
 ram diligit, vel unam peccati mortalis de-
 prehenderet labem, illico illam cœlo de-
 turharet, ac in præcipitium inferni detru-
 deret. Denique est illa animæ labes, quam
 æterna inferorum flammæ, (ah quàm atro-
 ces) nunquam tot millionibus annorum ex-
 coquere poterunt: quæ tantam Deo displi-
 centiam movet, ut nullam in suis suavissi-
 mis visceribus compassionem habeat, viden-
 do creaturam suam perpetuis incendiis sine
 fine torquesi; eum nos unum canem in igne
 ardentem, ne quidem per unum quadran-
 tem, sine sensu doloris aspicere possimus.
 Tanta est malitia peccati mortalis, ut, si
 ita loqui fas est, omnem quodammodo tol-
 lat compassionem ex dulcissimo Dei Corde.

Que

Quæ cùm ita sint, quomodo tantum malum, vel per unum diem in anima sua sustines? Cùm peius sit, unum peccatum mortale habere in anima, quàm omnes inferni Dæmones in corpore, ut docet Chrysostomus hom: 30. ad popul: & Basiliius homil: 13. ad Baptif. & ideo peccans, à Deo Patre, coram S. Catharina Senensi appellatur, Demon incarnatus. Quæ audaciâ, hac nocte in peccato mortali quiescere præsumis, qua fortè Dæmones repetent à te animam tuam? Cùm tam facile, tam frequenter peccas? & quidem non in absentia, sed in facie Dei, omnia videntis: Dei, qui tibi nihil mali fecit, sed potius te tot bonis cumulavit; Dei, in quo sunt infinita motiva amoris, qui te dum peccas, in eodem instanti præcipitare in infernum potest. Et peccas abutendo ejus concursu: aliisq; ejus beneficiis contra ipsum; peccas non ut placeas alteri Deo, sed ut placeas diabolo; peccas non ut acquiras aliquod regnum temporale, sed ut amittas æternum. Si bellua, si Ethnicus, si Diabolus esses, fortè aliquam excusationem posses prætere, nunc verò cùm credas Filium Dei pro te, mortuum esse, ne illum offendas, cùm te DEUS tot minis à peccato deterreat, tot beneficiis ad te alliciat, ah! quid ei judicanti respondebis? Heu miserere animæ tuæ! **Quid enim in te peccavit anima tua? Egestatem fugis**

fugis, quæ te divitiis privat, & non fugis peccatum quod te privat gratia Dei? Virtutibus infusus, omnibus meritis, per tot annos, congregatis; ita ut si infinitos gradus gratiæ haberes, si merita numero infinita, omnibus te in uno instanti privaret! Horres mortem, quæ te privat vita temporali æternosa, & non horres peccatum, quod te privat jure ad vitam felicem interminabilem? Demum febricula ardores uno die pati non potes; nec digitum igni admotum per aliquot momenta sustines; & toties peccando resolvis te ad habitandum in ardoribus sempiternis, in igne devorante? Et quid si hoc peccatum quod committere vis, erit ultimum complementum mensuræ, quam tuis peccatis designavit Divina providentia? Quid si post hoc peccatum te proijcet in æternum à facie sua Deus, nec tibi gratiam efficacem, ad poenitentiam largietur.

III.

Nihil est certius morte, nihil incertius hora mori.

Immobile statutum est, omnibus hominibus semel mori. Quorquot fuerunt ante homines & quorquot te sequentur, aut mortui sunt, aut morientur, tu quoque migrabis hinc omnino, nec semper, nec diu manebis hic, nec aliquam supra terram, vel
infra

infra terram, vel in cœlo, brevi manendum tibi est, & semper manendum. . . Quid curas unius diei hospitium? quid amicos non nisi hodiernos? nec ultra crastinos? hodie sunt, cras team non erunt. Nec tibi per longum iter æternitatis comites erunt. Brevis te deseret ista formæ venustas, deserent divitiæ, voluptates, honores, deseret mundus, sola te virtus sequetur? *Solus JESUS omnibus recedentibus non recedit.* Cætera omnia fucum nobis faciunt, dum vivimus viventibus pretiosa, vitiis morientibus. Heu quantam illorum vanitatem Cereus iustialis ad vesperam mortis deteget! Sed seram erit tunc aperire oculos, cum in morte claudentus. Quod tunc te egisse optabis, nunc age. Punctum quod vivis, fortè ultimum est, & ut ait Tercullianus: *Christiano crastinum non est.* Vis mortem Sanctorum pretiosam? vive vitam Sanctorum pretiosam. times mortem peccatorum pessimam? fuge vitam peccatorum. *Es quia nescis ubi, & quando te mors expectet, tu illam semper ubiq; expecta.*

I V.

Momentaneum quod delectat, æternum quod cruciat. S. Greg.

O Voces horrendas, *Æternum, Nunquam, Semper!* Ah semper, quod finitur.

tur nunquam. Ah nunquam! quod dura-
 bit semper. Ah æternum! æternum! quod
 nunquam finietur, quod semper durabit.
 Vis nosse quid sit Æternitas? Est circulus,
 cujus initium semper est, medium, & finis
 nunquam. Est orbis, qui ubi desinit, inci-
 pit, & incipiendo nunquam desinit. De-
 me eternitati mille annos, deme mille mil-
 lia annorum, deme tot sæculorum millio-
 nes, quot stellas numerat cœlum, quot a-
 tomos aër, quot guttas oceanus, nec uni-
 cum momentum eternitati detraxisti; tam-
 enim manebit infinita, quàm ante fuit, ma-
 nebitque tam diu, quamdiu DEUS perse-
 verabit esse DEUS. Hæc ergo eternitas
 infelix, tam animi quàm corporis crucia-
 tibus plena, omnibus momentaneæ delecta-
 tionis pœna est. O DEUS! ergone unius
 diei febricula molesta nobis est? si tibi eo-
 dem in molli lecto, inter morsum puli-
 cum per unam noctem decumbere, da-
 rum est, digitum ardenti candela admotum
 unicâ horâ tenere, intolerabile. Ah! quid
 semper & æternum à visione Dei exulare,
 igne atrocissimo uri, diu noctuq; mediam
 inter caliginem, fumum ac sulfur versari,
 excruciarî modis omnibus, sine ullo sola-
 tiî levamento inter ejulatus lamentabiles,
 ac rugitus damnatorum, in contubernio
 demonum vivere, desperatione rumpi, &

rabie.

rabie nunquam lenienda, sicque vivere æternum moriendo, & mori æternum vivendo? ô semper! ô nunquam! ô æternitas! utinam frequentius menti nostræ occurreres, quàm nobis amaras redderes mundi omnes voluptates.

V.

Quid prodest homini si universum mundum lucretur, anima verò sine detrimentum patiatur. Math. 16.

TAnti æstimat animam nostram, omnia ponderans in mensura & pondere æquifimo Dei Sipientia Incarnata, ut ipsius iudicio totum lucrum, quod ex orbe universo colligi potest, nullius momenti præ anima nostra sit, & proflus nihil sit. Iniquus emptor Diabolus est, qui pro anima Regna omnia mundi offerens dicit: *Hæc omnia tibi dabo, si cadens adoraveris me.* Majori illam precio emit Sipientissimas negotiator Christus, quia infinito thesauro sui Sangvinis ac meritorum redemit, usque ad sui exinanitionem, amore animæ nostræ redactus. Egonè igitur tam stultus mercator sim, qui animam meam, non pro Regnis omnibus mundi, sed pro momentanea voluptate, pro evanido honoris fumo, diabolo æternum vendam! Heu quantum damnum animæ unicæ, animæ æternæ, detrimentum! *Si una manu privatus fuero, altera*

alterâ uti potero; si uno pede mutilatus fuero, alter manebit residuus, si aurem dextram amiserô, supererit sinistra, si unus oculus deficiet, alter erit solatio. At animam habeo duntaxat unicam & eternam, quam si semel amiserô, jam nulla est reliqua: una est, que pro centenâ mibi esse debet & millenâ; hanc si perda, perdidit æternum; si lacrer, pariter æternum lucratus sum; hanc ubi saluam fecerô, jam quod metuam, non habeo æternum; ubi semel perdidit, neq. quod sperem superest æternum, quia anima ueritas est, æterna est.

VI.

Bonum Gratiæ unius, est majus, bono totius nature universi. S. Tho.

1. 2. q. 113. art. 9. ad 2.

Aurum tibi placet, gemmas quaris, & colligis ð homo? quid si hoc momento mundum aureum & gemmeum, quid si mille & plus quàm mille mundos aureos & gemmeos, tibi statuatim facillè comparandos? En unicus Sanctificantis Gratiæ gradus, Bonum totius nature universi, adeoque mille mundos aureos & gemmeos pretio superat. Et quidni superet, qui infinito pretio meritorum Christi emptus est; quò Regnum cœlorum & immensa æternitatis beatæ gloriæ condignè emitur. Quæ-

ris iam, quo pretio hanc gemmam sic pretiosam emas? Sacramentorum poenitentiae & Eucharistiae frequens ac dignus usus, charitatis opera, unica sancta cogitatio, unicuique bonae voluntatis actus, pretia sunt, quibus gemma haec inestimabilis comparatur. O quot thesauros plus quam aureos, plus quam gemmeos colligeres, vel per unum diem, si talibus actibus, cogitationibus, operibus, totum diem impenderes! Quot tibi pereunt tam pretiosa lucra, cum sine bonis actibus pereunt dies! Ergo hic te decet maxime avarum esse, unicam aestimare, & cura Dei gratiam, & non unicam: unicam, quia praeter omnibus aliis bonis creatis quaerendam; non unicam, quia per plurimos gradus continuo augendam, ut dicere possis ignito S. JGNATHI corde: *Amorem tuum Domine cum gratia tua mihi dones, & dives sum satis, nec ultra quidquam posco.*

VII.

Servire DEO regnare est.

NON est tam abjecta servitus DEI, quam exterius apparet. omnes servi DEI, Reges sunt, quia sibi, suisque passionibus dominantur. Reges sunt, quia intra illos est Regnum Dei, illa scilicet pax conscientiae, illud gaudium Spiritus Sancti ineffabile: Reges sunt, quia juxta Christi promissionem

nem

nem ipsorum est Regnum cœlorum. Reges sunt, quia simul amici & filii Regis Regum. O beatissimam servitatem cunctis Regum solis altiore! Sensere hæc magni Imperatores, Reges, & Principes, qui ut Deo perfectius servirent, sceptrâ, purpurâ, & diademata cum vita Religiosa commutaverunt. Tales fuerunt, ut refert Hieronymus Platus de bono status Relig: lib: 2. c. 26. Imperatores in Oriente, Anastasius, Theodosius, Michaël uterque. In Occidente, Lotharius, & Hugo. tales è Regibus in Italia, Rachisus, & Pipinus: in Hispania, Veremundus, Ramirus: In Anglia, Sigebertus, Etelredus, Henredus. In Germania, Carolomanus, & alii. Regum ac Imperatorum filios, Duces ac Principes inferiores, quis numeret? Sufficiat referre dictum B. Aloysii, qui spreto Castellionis Marchionatu, Societatem JESU è Consilio Dei Matris ingressus, tanti fecit abjectum esse in domo Dei, ut Generali Mutio Vitellesco, (quod ipse postea in publica exhortatione retulit) palam dixerit: *Si per unum tantum momentum in Societate JESU esse debuissim, & per inferni pœnas ad id me pervenire oportuisset? elegissim illas, Pater, ut in Societate essim.* At enim servitus Dei suis non caret laboribus ac molestiis? Ita est. Sed quænam mundi servitus illis caret? Quæ

PRIMUM.

rosa sine spinis, quæ sine conchis gemma?
 Quot incommodis, quod laboribus fatigan-
 tur servi mundi, ut famam, ut honorem, ut
 gratiam Principis lucrentur? & hoc ipsum
 quam fragile bonum est, quàm incertum?
 Ergo pro amicitia Dei tam certa, pro hono-
 ribus, pro divitiis tota æternitate mansuris,
 longè minora pati grave erit? Et verò
 quàm parum est; quod à nobis in obsequi-
 is suis exigit DEUS. Parum omnino com-
 paratione tanti præmii, quantum est æter-
 næ gloriæ pondus. Parum ratione brevis
 temporis, quo laborandum & patiendum
 est. Parum comparatione eorum, quæ San-
 cti pro Deo tolerabant. Parum compara-
 tione eorum, quæ pro nobis DEUS Filius
 fecit, & passus est. Parum ratione dignita-
 tis Dei infinitæ. Parum comparatione
 suppliciorum, quæ promeruimus. Parum
 denique, quia omnes in obsequio molestias
 & labores, dulces facit suis solariis, suo a-
 more, DEUS, ut ipse sit exaltans jugum su-
 per cervices nostras, dicatq; merito: *Jugum
 meum suave est, & onus leve.*

VIII.

*Sine causa Christianus sum, &
 Christum non sequor. S. Bernar.*

Nihil aliud est vita Christiani, quàm
 Imitatio vitæ Christi. Aut Baptismi
 Cha-

character eradendus est, & fides in Christi-
 stum ejuranda; aut juxta vitæ Christi Ideam
 vivendum est Christiano. Quantus pudor
 est credere Christo dicenti, Beatos esse pau-
 peres, Beatos qui lugent, & tamen divitias
 sectari, quarere voluptates! Quàm probrosa
 contradictio, adorare Christum pauperem,
 contemptum, crucifixum; & paupertatem
 Christi fugere, detestari contemptum, Cru-
 cem horrere!! Quanta indignitas, Domi-
 num esse pauperem, servum divitem, Do-
 minum omnia incommoda pati, servum
 deliciis abundare!! Itané vestis attactu
 Christi consecrata ac dignificata est; & pau-
 pertas nostra, dolor, ignominia, quæ Chri-
 stus pariter assumpsit, ipsa Christi assump-
 ptione Christiano dignificatâ non erunt?
 At pudeat, *servum esse majorem Domino suô!*
 pudeat *sub spinoso capite membrum esse de-*
licatum! Elige quod vis Christiane: vel
 Christum errasse puta, qui sponte pauper-
 tatem, ignominiam, dolores, assumpsit: vel
 te errare fateare, qui opposita omnia ambis.
 At Christum DEI Sapientiam, errare im-
 possibile est; tu igitur infelix erras, si divi-
 tias, si voluptates, si honores, cum salutis
 dispendio quaris.

I X.

Aut pati, aut mori.

Effatum est Sanctæ Teresiæ verissimum
 & Di-

& Divinæ Sapientiæ arcanum. Ita est, quàm-
 diu homines vivimus, tamdiu restat pati.
 Multa bona agere, & multa bona pati Chri-
 stianorum est, ait Bernardus: Sepovit De-
 us omnes semitas nostras spinis & cruci-
 bus: Si quis ab una declinare velit, inci-
 dit in aliam, quia ob ipsam fugam Cru-
 cis, novæ noxæ debitam. Quid frustra Cru-
 cem fugis quam vitare non potes? In cœlo
 nihil nisi bonum est: in inferno nihil nisi
 malum: terra, quæ media est, utrumque
 extremum participat. Quid Crucem fu-
 gis, quam Christus suo contactu dignifica-
 vit? Crux latronibus sit infame patibulum,
 tibi Christiane est scala ad cœlum: Hac
 itur ad astra: hac Christus, hac omnes cœ-
 lites intrarunt in gloriam suam. Quàm pul-
 chrum cœlo spectaculum est, Christianum
 Christo confixum esse Cruci! Quantum
 gaudium, Christum socium habere dolo-
 rum! Quid dulcius calice passionis, quem
 cor divinum suis implet placitis, velut pla-
 cidissimis liquoribus, quem manus piissimi
 Patris porrigit, quem os Christi prægusta-
 vit. Bibe igitur tam præclarum calicem,
 sitibundus, ut generosos ac Filiò Dei di-
 gnos imbibas spiritus, & bibendo ingemi-
 na cum sancta Teressia: *Aut pati, aut mo-
 ri.* Quin potius dic cum S. Magdalena de
 Pazzi: *Pati non mori!* Aut exclama cum

Indi-

Indiarum Apostolo Xaverio. *Amplius Do-
mine, amplius cruciari.* Nempe pati, et
Omne gaudium, ut ait Jacobus Apostolus
Stare ad Crucem Christi cum MARIA, et
illud Unum necessarium, Maria optimam
partem elegit, ut agebat P. Vincentius Ca-
rafa VII. Generalis Soc: JESU. *Pati aman-
do, & amare patiendo, est compendium per-
fectionis, ut dicebat idem. Ire ad celum pa-
tiendo, est ire per postam, ut dicebat Pater
Balthasar Alvarez Soc: JESU. Dolores pro
amore Christi tolerati, sunt mensura time-
ris sursum, quem oportet esse confortam, &
coagitatam, ut dicebat P. Franc. Piccolomi-
neus VIII. Generalis Soc: JESU.*

X.

*Omnis ponderatio non est digna
continenti anima. Eccl: 26.*

Quam pretiosa est castitas, Virtus An-
gelica! *Hæc incorruptio, nos mortales,
facit proximos, non modo Angelis, sed ipsi
etiam DEO. Hanc tanti fecit Christus, ut
Matrem non nisi Virginem elegerit, ipse
Virgo: & Joannem Apostolum propter
Virginitatem, in suo pectore tanquam
gemma pretiosam reposerit, eumque
moriens, loco sui in terris, Filium MA-
RIÆ reliquerit. Hanc ita amavit Virgo
Mater, prima hujus virtutis in terris fun-
datrix*

Matris, ut Angelo Maternitatem Dei offerenti palam testata sit: *Quomodo fiet istud, quoniam virum non cognosco?* Præmium porro Virginitatis quam sublime! Supra montem Sion, id est in sublimi gloria perennare, sequi agnum quocumque ierit, cantico ab aliis inimitabili, Cor DEI, Cor Beatæ Virginis, tota æternitate exhilarare, speciali laureola in cælo ornari, Virginitatis stipendium est. Quanti igitur hanc virtutem æstimare, quantum pro ejus integritate dimicare debes, si Christo, si ejus Matri placere desideras Athleta Mariane? Linguam sibi præcidit, & cruentam in os sceminx impudicæ expuit Martyr Nicetas, ut castitatem defenderet: tu saltem linguam cohibe, ne, quæ toties sanguine Christi in Sacra Communione consecratur, verbo aliquo impuro polluatur. Nobiles Christianæ Amazones aliæ oculos sibi e-ruerunt, aliæ seipsas præcipitârunt è montibus, ne Virginitatem læderent, tu saltem oculos averte, ne videant vanitatem. Benedictus pro conservanda castitate se nudum in vepribus cruentavit: Franciscus in nivibus volutatus est: Xaverius ad sanguinis è naribus profluvium, uni somnio impuro restitit: Tu nondum durius carnem rebellem tractasti, *nondum ad sanguinem restitisti.* Ergo nunc statue omni

diligen-

diligentia thesaurum tam pretiosum servare, quem si semel amiseris, nunquam tot aeternitate recuperabis.

XI.

Quàm sordet mihi terra, dum cælum aspicio.

VOx erat S. P. Nostri JGNATII ad cælum aspirantis. Et quidni sordet terra, tot plena peccatorum fœtoribus? Quidni sordet quæ stabulum est pecorum? Patria nostra est cælum. Ibi Patrem Deum habemus: ibi nos magnus charorum numerus expectat. Bona terrena, quibus hic pascimur, siliquæ sunt porcorum, quæ appetitum nostrum infiniti boni capacem non explent sed contaminant. Ad maiora, ad altiora bona creati sumus: Ergo ad illa properemus. *Ad Cælum, ad Cælum. Ibi nostra fixa sint corda, ubi vera sunt gaudia, quia pura aeterna.* Amemus vitam, sed amemus aeternam. Queramus divitias, sed semper mensuras: optemus voluptates, sed sine felle, sine absinthio, perennes. Ambiamus honores, sed apud Deum, nunquam perituros. O nos vesanos, si stabulum amamus præ palatio! exilium præ patria! lutum præ auro. *Quanta pbrensus est, cogitare parum de magna & cogitare multum de parvo: brevi tempore curam longi se-*

*man, & longissima aeternitati breuem curam
impendere, o quanta insania! nolle perdere
parum ut multum lucreris, nolle dare mortem
pro vita, terram pro caelo, tempus pro aeterni-
tate; nihil pro bonorum omnium aggregatione.*

XII.

DEVS mihi sufficiet solus.

Quid appeto? quid appetendo quero, & satiari in appetendo nequeo? Bonum est quod appeto, bonum quero, sed nullum bonum creatum, quod satiet, invenio. Ubi es o bonum meum sufficiens? quero te intra divitias saeculi, sed non invenio: quid enim sunt illae nisi mera deliria? figura transiens, & somnium? quod cum dormierint Sivi divitiarum, nihil inveniunt in manibus suis. Imo spinæ sunt, quæ sua sollicitudine pungunt animam & eruentur. At neque inter carnis delicias bonum sufficiens reperio, quantum enim gaudium peccatorum! adinstar puncti est: gutta mellis in oceano fellis & absinthii. quid frustra & inter mundi honores, & inter favores mortalium exquiro bonum? quæntæ indigentia latent sub larva honoris? quæntæ fallacia favores Principum? Valetè bona, non bona, boni indiga; non sine malo bona, quia defectuosa & defectibilia. Solus bonum meum est, qui bonum purum est;

est, qui omne bonum est, qui fons omnium bonorum est indefectibilis, & origo, *DEUS meus & omnia, nimium avarus est, cui Deus non sufficit.* Quod enim bonum est, quod in Deo cum infinito excessu non contineatur? aut quod bonum est, cum quo Deus melior sit, quàm sine illo, qui infinitum bonum est? Igitur si amore careo, & laude apud homines, sufficit mihi Deo placere, sufficit laudem apud Deum habere. Si careo divitiis: nimis dives sum, cum jus ad Deum possidendum habeo. *Quidquid mihi dare vult Dominus meus prater seipsum, dulce mihi non est; auferat totum, & se mihi det.* Ipse solus mihi sufficit, Deus meus & omnia.



CAPUT II.

Remedia

Ad fugienda & extirpanda vitia.

Iactis breviter, in Virtutis Palæstra, sanctieris vitæ fundamentis, armandus est Athleta MARIANUS remediis vitiorum tum generalibus, tum particularibus, quibus instructus prælia Domini, contra hostes animæ feliciter gerat.

Reme-

Remedia

Contra quodvis peccatum.

1. Remedium est. Oratio, ad quam subito recurrendum est insurgente aliqua tentatione, antequam cor occupet, invocando opem Dei, Beatæ Virginis, & Sancti Patroni, qui in opposita virtute floruit. Hujusmodi Orationes sunt: *Deus in adiutorium meum intende. Domine saluum me fac peccator. Domine vim patior, responde pro me. MARIA sis mihi propitia. MARIA optulatare, Mater misericordie, monstra te esse Matrem.*

2. Remedium est. Habere frequentem memoriam presentis Dei, & Angeli Custodis, atque occurrente prava suggestionem, seipsum arguere dicendo: *Egone in oculis Dei Judicis omnia videntis, & Angeli mei custodis hac cogitabo? hac faciam? O Domine, malo mori, quam fœdari.*

3. Remedium est. Premento aliqua tentatione recordari Christi patientis, ejusque amore se ipsum vincere dicendo: *Amar mecum crucifixus est, & ego voluptati speram dabo! Ab non licet sub stituro capite, membris esse delicatum! O bone JESU, intra vulnera tua absconde me. Ita svadet Apostolus: ut cogitatione Christi passæ armeerur.*

1. Petri 4.

4. Re-

4. Remedium est. Tempore tentationis devotè aspiciere imaginem Beatæ Virginis vel eam sibi in memoriam revocare, atque ejus amore proteſtari, ſe nolle aſſentiri. *Propter te, amore tui, ô Pretioſiſſima Parens Domina mea, non cogitabo, non dicam, non faciam.*

5. Remedium eſt Meditatio Noviſſimum nempe mortis, Judicii extremi, inferni, juxta illud: *Memorare Noviſſima tua. Et in æternum non peccabu.* Eccleſ. 7.

6. Remedium eſt Fuga otii, quod eſt pulvinar diaboli, & origo omnium vitiorum.

7. Remedium eſt Fuga ſociorum, locorum, allarumque occaſionum peccati. *Nemo qui amat periculum, in illo peribit.* Eccleſ. 3.

8. Remedium eſt, Uſus frequens Sacramenti Poenitentia, & Euchariftia. Ex hoc enim divino epule rebur ſumitur ad vincendum hoſtem animas. Et de hoc Sacramento dicit Pſalter: *Paraſti in conſpectu meo menſam. adverſus eos qui tribulant me.* Pſal. 22.

9. Remedium eſt, dum aliqua tentatio iſtaſtat, elicere actum amoris Dei ſupra omnia; talis enim actus ſtare non poteſt cum peccato, proinde illud impedit.

10. Remedium eſt. Examen particulare

Inſti-

inſtitu
tandi
diem
pecca
ipſe
tam
non e

Ha
ta, ven

Contr

1.
tationi
re fide
capti
allice
cleſa
credul

2. R
vincul
Auguſt
tra Ep
conſen
auctore

charite
ab ipſ
ſenten
Tene
ſupien
tas), ti

instituire, ita ut manè propositò factò vi-
tandi tale vel tale peccatum, circa meridi-
diem & vesperi te reflectas, quoties in hoc
peccatum lapsus sis. Moxq; poenitentiam
ipse tibi imponas, & propositum renoves
tam diu in eo persistendo, quamdiu vitium
non extirpaveris.

Hæc sunt remedia generalia contra pecca-
ta, veniamus ad specialia.

Remedia

Contra tentationes Fidei oppositas.

1. Cave ne unquam cum talibus cogi-
tationibus disputes, ne fallaciis dæmonis in-
te fidei tam obscura, capiare; sed potius
captivando intellectum in obsequium DEI,
illico dices: *Credo omnia, quæ credit Ec-
clesia Catholica, Credo Domine, adjuva in-
credulitatem meam.*

2. Revoca tibi in mentem illa suavissima
vincula, quæ in fide Catholica tenebant.
Augustinum, ita de se loquentem lib: con-
tra Episti fundam: *Tenet me in hac fide
consensus populorum, atque gentium, tenet
auctoritas miraculis inebata, spe nutrita,
charitate aucta, vetustate firmata. Tenet
ab ipsa Sede Petri Apostoli, usque ad pra-
sentem Episcopatum successio. Addi potest:
Tenet me in hac fide tanta Doctorum
sapientia, tanta tot Religiosorum sancti-
tas, tanta tot millionum hominum pro-*

hac fide tolerata Marcyria. Quæ omnia motiva credibilitatis in nulla secta reperiuntur; nisi in sola Romana Ecclesia, ut vel inde certissimum signum fit, Deum in ea sola, & per eam loqui.

3. Frequentia ritus Ecclesiæ, præsertim usum Sanctissimi Sacramenti, ut sic tibi gustanti, quàm suavis sit Dominus, sapiant ea, quæ ipse in Ecclesia revelavit.

4. Vitandæ lectiones librorum veritotum, conciones item & familiaritates Hæreticorum, ut monet Apostolus ad Titum 3.

Remedia

Contra consuetudinem jurandi.

1. Considera quantum sit Dei contemptus, cum Nomen eius Sanctum & terribile assumitur, ad confirmandum dictum falsum; hoc enim nihil aliud est, quàm Deum qui est summa Veritas, facere testem mendacii, adeoq; facere Deum mendacem, quæ est ingens Dei-contumelia.

2. Considera, consuetudine jurandi amitri auctoritatem in dicendo, nam frequenter & faciliè juranti, minus creditur, etiamsi seriò juret, ut docet S. Chrysostr. hom. 8. ad populi. Antio b.

3. Loco consuetæ formulæ jurandi, asuesce alteri modo testandi, qui non contineat juramentum, dicendo v. g. ita prosero affirmo, &c.

4. S. Chrysoſtomus hominibus q. ad populum, ad deponendam hanc conſuetudinem ſuadet, ut qui eſt ei obnoxius, ipſe ſibi poenam imponat, quoties in hoc peccatum labitur v. g. ut impranſus cubet; ut toties det elemoſynam, &c.

*Contra ſuperbiam, & vanam
gloriam.*

1. Frequenter ſibi imperfectiones, & peccata ob oculos ponere, ob quæ digni ſumus omni contemptu.

2. Proponere ſibi ante oculos perfectiones Sanctorum, & cum illis ſe ipſum comparando, confundi.

Meditari de humilitate Chriſti conculcati, conſputi, latroni poſtpoſiti: atque nobis dicentis. *Discite à me quia mitis ſum, & humilis corde.*

3. De ſe ſuiſque factis nihil ad laudem vel vituperium dicere, & oblatam laudem ſtatim Deo offerre.

4. Libenter occupari in functionibus abjectioribus, & cum humilibus converſari.

5. Laudem & honorem apud ſolum Deum quaerere, apud quem ſolum eſt laus vera, æterna, inamiſſibilis, imò eſt infinita, cum ſit ipſe Deus, juxta illud Regis Vatis: *Apud te laus mea Deus, & laus mea tu es.*

6. Sæpè cogitare, quod ſuperbus ſit contemptibilis, hominibus, & Deo odibilis, qui

superbis resistit, eosque punit infamiâ, & eccatis turpibus; ut sibi vilescant.

Contra Irâ & impatientiam.

1. Cùm te irâ commoveri sentis, ab omni verbo abstine, alio te conferendo, ne aliquod verbum contra rationem excida.

2. Aspice Christum Crucifixum, ideam omnis patientiæ & mansuetudinis, qui ut dicitur 1. Petri 2. *Cùm pateretur, non comminabatur*, atque intra eius vulnera, tuas molestias depone: ut ibi dulcescant amore sui Redemptoris.

3. In omni tua adversitate, oculos mentis conuerte ad Dei voluntatem sapientissimam, justissimam, benevolentissimam, à qua omnia adversa ad nos veniunt, dicendo: *Ita Pater, quia sic placitum est ante te.*

4. Vide tuos defectus majores, quos in te tolerat Deus, & alii, & quibus longè majorem pœnam mereris, ac proinde in satisfactionem pro ipsis, accepta adversitatem.

5. Considera dârna, quæ ex irâ & impatientiâ proveniunt. Nam irâ non minuit dolorem, sed auget, & præterea vulnus conscientiæ infligit, privatque corona. Deinde hominem facit furem bestiam. Denique præscribit modum quo Deus agere debeat cum iracundo orante: *Dimitte nobis, sicut & nos dimittimus.*

Contra

Contra tentationes impuras.

1. Fugiendæ occasiones, conversationes amicitia nocivæ, otium.
2. Custodiendi diligenter sensus, præsertim oculi, aures, lingua, manus, sicut enim fenestrix, per quas mors intrat.
3. Subtrahendum fomentum libidinis, nimius cibus & potus.
4. Adhibenda mortificatio corporis, jejunia, flagellationes, vigiliæ.
5. Utendum frequenti Communione, ut purissimo corpore Christi, corpora nostra sanctificentur.
6. Juvat plurimum devotio ad Matrem purissimam, à qua virtus continentia sæpè retenta est, & coram eadem mane & vespere protestatio faciendæ, quod quidquid contra Angelicam puritatem acciderit, id præter & contra nostram voluntatem futurum sit, idque amore ipsius.
7. Occurrente tentatione mentem illicò alio avertere, vel conferendo se ad aliquid serîò agendum, vel recurrento ad Christum Crucifixum: vel ad Angelum Custodem, vel ad B. Virginem, his verbis: *Virgo purissima, per Immaculatam Conceptionem tuam, munda cor meum ab omni impuritate: In nomine Patris, & Filii, & Spiritus Sancti.*

Contra invidiam & odium.

1. Honorem, laudem, cæteraque bona temporalia non magni facere, sed potius bona altioris ordinis æterna desiderare.
2. Ea frequenter considerare, quæ ad fraternum amorem excitare possunt, qualia sunt, quod omnes simus Dei imagine insigniti, omnes Christi sanguine tincti, omnes ad eandem hereditatem vocati, omnes ejusdem Divinæ mensæ particeps, &c.
3. Expendere damna invidiæ, quæ invidium tristitia inani consumit, omnibus gravem facit, diabolo similem reddit.

Contra gulam.

1. Remedium præscribit Spiritus S. Proverbia 23. *Noli esse in convivibus potatorum, nec in somniationibus eorum.*
2. Expendere turpitudinem hujus vitij, quod hominem belluam facit, imò deteriorem belluis, quæ naturam, ultra satietatem, non gravant.
3. Considerare incommoda, quæ ex hoc vitio proveniunt; qualia sunt: paupertas, multæ infirmitates, acceleratio mortis, rixæ, homicidia, luxuria, & alia.
4. Pœnam sibi statuere pro hoc defectu commisso, die aliquo victitandi pane & aqua, cibumque, qui sumendus fuisset, pauperibus erogandi.

Com-

Contra tepiditatem.


1. Considerare amorem Dei erga nos, qui nos obstringit continuo ad hoc, ut ei ferventer serviamus.

2. Considerare immensum gloriæ pondus, quod tam facile per opera ferventiæ promereri possumus, & quod promerendi post mortem tempus non erit amplius.

3. Considerare exempla tot Sanctorum, tum in hac vita, tum in cælo, Deum ferventer laudantium.

3. Considerare finem creationis nostræ qui non est alius, nisi laudare Deum, siquæ servire.

5. Considerare malitiam tepiditatis, quæ ipsa bona opera reddit mala, & nauseam tantam Deo movet, ut dicat in Apoc: *Ultimam calidus, vel frigidus esses, sed quia tepidus es, incipiam te vomere ex ore.*



CAPUT III.

Praxis Exercitii Matutini.

Adoratio, Fides, Spes, Charitas.

SUMMA ac infinita majestas, Pater, Fili, & Spiritus Sancte. Ego vilissima creatura tua, in centrum nihili mei prostratus,

Te Deum verum unum in Natura, trinum
 in Personis, supplex adoro, laudo, glorifico,
 cultu latriæ, affectu omnium Sanctorum.
 In te, & tibi in omnibus quæcunq; revelasti
 firmissimè credo, propter tuam veracitatem
 infallibilem. In te spem omnem meam, de
 omnibus bonis meis, tam temporalibus,
 quàm æternis repono, propterea quia scis,
 vis, & potes ea conferre. Te æstimo &
 amplector super omnes divitias, honores,
 voluptates, & super omnia bona creata,
 propter te, & infinitam dignitatem & bo-
 nitatem tuam. Atque in his affectibus
 hodie & quotidie vivere, operari, pati, ac
 tandem mori vole.

Gratiarum Actio.

Benedicta sit in æternum amabilissima
 tua, Deus, bonitas infinita, quâ me ex
 nihilo creasti, ex peccati servitute redemi-
 sti, ad fidem veram vocasti, tot gratis in-
 gratum hætenus ornasti, prævenisti, adju-
 visti, à tot malis animæ & corporis etiam,
 hac nocte præservasti. Pro istis ac omnibus
 aliis beneficiis, quibus non solum me, sed
 omnes & singulas creaturas hucusque cum-
 ulasti, confiteantur tibi Domine omnia
 opera tua, & Sancti tui benedicant tibi.

Inter-

Intentio:

Ecce Domine, hodie, & per totam vitam meam, & æternitatem, me tibi ex integro in holocaustum trado, ac offero corpus & animam, memoriam, intellectum, voluntatem, sensus, ac omnes potentias, omnia facta, dicta, cogitata, omnes adversitates meas, omnes motus cordis, ac respiraciones, omnes syllabas & literas legendas, scribendas, audiendas. Omnia ista unita meritis vitæ & Passionis Domini nostri JESU Christi, Sangvine ejus aspersa, in corde deposita, manibus benedicta, dono, offero, confecto Divinæ majestati tuæ:

I. Ex amore tui ad gustum tibi dandum, & ad majorem gloriam tuam.

II. In protestationem supremi tui dominii, & nostræ subjectionis.

III. In gratiarum actionem pro beneficiis omnibus, præsertim N.

IV. In satisfactionem pro omnibus peccatis, præsertim N.

V. Ad exhilarandum cor B. Virginis, & Sanctorum, præsertim N.

VI. Ad præparandum cor meum in ordine ad Communionem.

VII. Ad confundendos demones, hostes anime meæ.

VIII. Ad impetrandam mihi virtutem & gratiam N.

Bj;

Protea.

Protestatio.

Protestor verò coram te Domine Deus meus, & Curia tua celesti universa, quod hodie & totâ vitâ meâ, volo vivere ut decet mancipium JESU & MARIAE. Protestor quod mori nullius malo, quàm peccato præsertim N. Te offendere. Protestor quod quidquid hodie acciderit, quod tibi Deo meo displicet, id contra meam voluntatem erit. Protestor deniq; quod toties te hodie amare & laudare volo, quoties respirabo, quot fluent momenta in tempore, quot literas scribam, &c.

Petitio Auxilii.

A Tua bonitate per JESU Christi Sanguinem suppliciter peto benedictionem. da mihi gratiam hodie efficacem, ad vincendas suggestiones inimici, ad vitanda omnia peccata, præsertim N. ad promerendam veniam, gratiam, & gloriam æternam Amen.

Ter Pater noster, & Ave Maria. Et renouetur Formula Congregationis. Sancta MARIA Mater Dei &c.

CAPUT IV.
 Examen Vespertinum.

Gratiarum actio.

Benedicta sis in æternum ab omnibus, in
 omnibus, & super omnia, Sancta, & in-
 dividua Trinitas, Pater, Fili, & Spiritus
 Sancte, pro omnibus & singulis beneficiis,
 que mihi omnibusq; creaturis, sive in celo,
 sive in terra, sive etiam in inferno, hodie &
 toto vitæ meæ tempore, contulisti. Benedi-
 co, laudo, & glorifico te; pro beneficio cre-
 ationis, & conservationis meæ ac omnium
 creaturarum, pro cooperatione ad omnes
 actus meos, pro incarnatione, vita, Passio-
 ne, & morte Domini nostri JESU Christi,
 pro doctrina ejus, meritis, exemplis, Sacra-
 mentis, pro gratiis omnibus habitualibus, &
 actualibus, in me ac omnes creaturas rati-
 onales, tam liberaliter effusis, ac demum
 pro externa protectione, ac preservatione
 à pluribus malis animæ & corporis. Bene-
 dictio & claritas & gratiarum actio, honor,
 & gloria tibi Deo nostro in æternum.

Petitio luminis.

AT quæm ingratus ego hodie beneficiis
 vixi.

vixi! illumina quæso Domine oculos mentis meæ, ne obdormiam in morte. Emitte lucem tuam, & veritatem tuam, ut cognoscam & desiteam peccata mea, quibus te hodie offendi.

Discussio conscientie.

Hic revoca tibi in mentem defectus actionum tuarum; reflectendo te supra singulas, eo ordine, quo per diem facta sunt, & observando, quid mali in qualibet actione diei cogitasti, dixisti, fecisti, quid etiam boni omisit, quod facere potuisti, item considera causas defectuum; & remedia.

Dolor.

O Purum, summum, ac infinitum bonum Deus meus; ex amore quo te amplector, & ætimo super omnes creaturas, deestor omnia & singula peccata mea, super omnia aia mala, etiam supra ipsam mortem, & doleo, quia te aliquando peccatis meis offendi. Doleo autem pure propter te, tuamq; bonitatem infinitam, omni amore dignissimam, quam infelix offendi; & cui materiam displicentiae dedi. O utinam nunquam peccassem! utinam tibi perfectius servivissem.

Propositum.

Ecce nunc Domine cum tua gratia firmissimè statuo ac propono emendationem.

remi-
volo o-
vitare.
quàm
fendere
am, qu-
estio, n-
Deus s-
de M-
defunct-



Obli-

ii A

voca b
in adje
me Do

2. I
riam

te Do

3.

Dei
objec

mem. Volo deinceps perfectius tibi servire,
 volo occasiones peccandi præsertim N de-
 vitare. Malo mori, & omnia adversa pati,
 quam te Deum meum peccatō unquam of-
 fendere. Confirma hoc Deus per gratiam tu-
 am, quod operatus es in me. Adjutor meus
 esto, ne derelinquas me, neque despicias me.
 Deus salutaris meus. *Ter Pater noster, &
 Ave Maria, & Psalmus De profundis. pro
 defunctis Sodalibus.*



CAPUT V.

Observanda circa quamcunque
 actionem, ut perfectè fiat.

1. **A**Nte quamcunque actionem præfer-
 tim longiorem, v. g. ante studia, in-
 voca breviter opem divinam, dicendo: *Deus
 in adiutorium meum intende, vel, Adjuva
 me Domine Deus meus.*

2. Renova intentionem dicendo: *In glo-
 riam tuam Deus, & vitam æternam; propter
 te Domine removo intentionem.*

3. In decursu actionis recordare interdum
 Dei in te, circa te, ac in ipso actionis tue
 objecto, præsentis atque spectantis, ac te-
 CUR.

eum & cum tuo objecto concurrentis. Unde dices: *Adoro te Domine, tibi presentem me videntem, mecum concurrentem, me cum hoc objecto patientem, illuminantem, calefacientem, &c.*

4. Intuere Christum Dominum, B. Virginem vel S. Patronum, qua perfectione similem actionem illi exsequabantur: illos proinde imitando in unione actionis ipsorum operare. v. g. in comedendo, recordare Christi in nuptiis, in cœna ultima. Decumbens in lecto, recordare Christi in praeseptis, in Cruce, in sepulchro quiescentis. Vestiendo te, Christi ligari, vestibus ignominiosis induti. Lavando faciem, Christi in Sanguine suo demersu. Ambulando, Christi per plateas ad iudices tracti, Palaestinam obeun-
tis. Studendo, Christi docentis, &c.

7. Forma tibi aliquod documentum spirituale ex actione tua ejusq; objecto, cum aliquo affectu proportionato, v. g. lavas faciem: cogita quod sanguis Christi emundat nos ab omni peccato, utinam te emundet! Induis te, cogita exuendum veterem hominem, & induendum Dominum JESUM, hocq; pete à Deo. Comedis, cogita filiquas esse istas poscorum, melioribus in Patria Sanctos abundare panibus, illuc proinde feratur desiderium. Decumbis, cogita fore, ut sub te sternatur tinea, & operimentum tuum sint vermes.

6. Mortifica te in omni actione, v. g. incommodius sedendo, non carpendo fructum aut florem in horto, subtrahendo gutti transmittendum.

7. Post actionem, age Deo gratias pro cooperatione, pro tuis defectibus dolo, & quidquid boni actum est, offer Deo.



C A P U T VI.

Orationes ejaculatoriæ per diem usurpanda.

Fidei.

IN fide vivo Filii Dei, qui dilexit me, & tradidit semetipsum pro me.

Credo Domine, adjuva incredulitatem meam.

Spei.

DEUS meus misericordia mea. *Psal. 58.*
In te Domine spero, non confundar in æternum. *Psal. 30.*

Dominus firmamentum meum, & refugium meum, & liberator meus. *Psal. 17.*

Dominus mihi adiutor, & ego despiciam inimicos meos. *Psal. 117.*

Spes

Spes mea ab uberibus matris meae; Deus meus es tu. *Psal. 21.*

Charitatis.

DEUS meus & omnia.

Quid volo præter te; Deus cordis mei, & pars mea Deus in æternum.

Sed te amavi pulchritudo infinita, ser te amavi. - Væ tempori; quo non amav te. *S. Augustinus.*

O summum bonum meum, quando te perfecte amabo?

O quam suaviter est Domine Spiritus tuus: Dulcis & rectus Dominus.

Diligam te Domine, virtus mea, firmamentum meum, & liberator meus. *Pf. 17.*

Ego autem in Domino gaudebo, & exultabo in Deo JESU meo. *Abas. 3.*

Contritionis.

PECCAVI Domine, miserere mei.

Pater peccavi in cælum & coram te, non sum dignus vocari filius tuus.

Amplius lava me Domine ab iniquitate mea, & à peccato meo munda me. *Pfal. 50.*

Malo mori, quam foedari.

Desiderii ad gloriam cælestem.

Quam sordet terra, dum cælum aspiciat. *S. Ignatius.*

Satiabor cum apparuerit gloria tua Domine. *Psal.* 16

Quàm dilecta tabernacula tua Domine, virtutum, concupiscit & deficit anima mea in atriis Domini. *Psal.* 83.

Quando veniam & apparebo ante faciem Dei? *Psal.* 41.

Adimplebis me Domine lætitia cum vultu tuo, delectationes in dextera tua usque in finem. *Psal.* 15.

Te exquirat facies mea, faciem tuam Domine requiram. *Psal.* 26.

Unam petii à Domino, hanc requiram, ut inhabitem in domo Domini, omnibus diebus vitæ meæ.

Gratiarum actionis & laudis.

Benedic anima mea Domino, & omnia quæ intra me sunt nomini Sancto ejus. *Psal.* 101.

Exaltabo te Deus meus Rex, & benedicam Nomini tui in sæcula. *Psal.* 144.

Benedictio, & claritas, & gratiarum actio, honor Deo nostro, in sæcula sæculorum.

Apoc: 7.

Sedenti in throno Deo, & Agno honor & gloria.

Vivat JESUS meus, & exaltetur Deus salutaris meæ.

Benedictus Deus, & Pater Domini nostri
JESU

JESU Christi, qui consolatur nos in omni tribulatione nostra. 2. Cor. I.

Sancti Patroni mei Magnificate Dominum mecum, & exaltemus nomen ejus in ipso.

Magnus Dominus, & magnitudinis ejus non est finis. *Psal. 144.*

Oblationis.

Domine quid me vis facere?

O Domine ego servus tuus, & filius Ancillæ tuæ. *Psal. 115.*

Tuus sum ego Domine, salvum me fac. *Psal. 118.*

Paratum cor meum DEUS, paratum cor meum. *Psal. 107.*

In tentatione vel aliquo periculo.

Domine vim patior, responde pro me. *Isaia 38.*

Domine salva nos, perimus. *Matth. 14.*

Pater salva me ex hac hora. *Ioan. 11.*

Esto mihi in Deum protectorem, & in locum refugii, ut salvum me facias. *Pf. 30.*

Exsurge Domine, salvum me fac Deus meus. *Psal. 3.*

Sub umbra alarum tuarum protege me. *Psal. 16.*

Adjutor meus esto, ne derelinquas me neque despicias me, Deus salutaris meus.

Cor mundum crea in me Deus, & spiritum rectum innova in visceribus meis. *Psal. 50.*

SEXTUM

In afflictione.

Ta Pater, quia sic placitum fuit ante te.

Deo subjecta esto anima mea, quoniam
b ipso patientia mea. *Psal. 61.*

Benedicam Dominum in omni tempore,
emper laus ejus in ore meo. *Psal. 33.*

Sicut Domino placuit, ita factum est, sit
Nomen Domini benedictum. *Iob 1.*

In ditione tua Domine omnia sunt posita,
& non est qui possit resistere voluntati tue.
Isaiah. 13.

Domine, hinc ure, hinc seca, ut in aeternum
parcas. *S. Augustinus.*

Deus meus & omnia. Nunquid tu mihi
non sufficis, ut aliquo extra te bono priva-
ri doleam? *Lessius.*

Nolo Domine esse sine vulnere, dum te
video vulneratum. *S. Bernardus.*

Domine auge dolorem, sed auge patien-
tiam. *Pius V.*

Plura Domine & maiora mala merui, tu
pro me quoque graviora passus es.

JESU mi crucifixe, serva mihi aliquem
angulum in Cruce tua. Ecce me ad pati-
endum pro te, amplius & amplius, etiam
per aeternitatem, si ita vis. *Pater Franciscus
Piccolomini Soci. JESU Generalis VIII.*

In prospero successu.

Non nobis Domine, sed Nomini tuo da
gloriam. *Psal. 113.*

Magni-

Magnificat anima mea Dominum, & exultavit spiritus meus in Deo salutari meo.
Luce 1.

Dextera Domini fecit virtutem, dextera Domini exaltavit me. *Psal. 117.*

Domine quid est homo, quod magnificum, aut quid apponis erga eum cor tuum?
Huc spectans affectus gratiarum actionis inpositi.

Dum comedis.

Satiabor cum apparueris gloria tua Domine. *Psal. 16.*

Replebimur in bonis domus tua. *Ps. 6.*

Domine meus JESUS in Cruce sitis, ego comedam & bibam?

Quam magna multitudo dulcedinis Domine, quam abscondisti timentibus te.

Quanti mercenarii abundant in domo tris mei panibus, & ego hic fame pereor!

Surgam & ibo ad Patrem meum. *Luce.*

Dum decumbis.

Quando requiescam in illa pulchritudine pacis, in requie opulenta.

In pace in idipsum dormiam & requiescam, quoniam tu Domine singulariter in spe constituisti me. *Psal. 4.*

Indica mihi, quem diligit anima mea, ut cubes in illo meridie eterno. *Cant. 1.*

Dum ambulat.

Trige Domine Deus meus in conspectu
tuo viam meam. *Psal. 1.*

Gratias tuas Domine demonstra mihi, & se-
cundas tuas edoce me. *Psal. 24.*

Erravi sicut ovis quæ perit, quære ser-
vum tuum Domine. *Psal. 118.*

Urgam & circuibo civitatem, quæram
in diligit anima mea. *In Cant.*

Trahe me Domine post te, curram in o-
nem unguentorum tuorum. *In Cant.*

Quando veniam & apparebo ante faciem
tuam. *Psal. 41.*

*Cum aliquod obiectum sensu
percipis.*

Electasti me Domine in factura tua,
& in operibus manuum tuarum exul-
tavi.

Benedicite Domino omnia opera ejus,
omni loco dominationis ejus.

O quàm suavior, quàm dulcior, quàm
melior es Deus meus, nunquid enim tibi
reservatis.

CAPUT VII.

Praxis visitandi Sanctissimi
Sacramentum.

I. P R A X I S.

*Induere affectus Sanctorum ad
stantium Christum.*

Domine JESU Christe, DEUS & Homo
in hoc Sanctissimo Sacramento presentem exalter
ego pulvis tuus & cinis, adoro te illo affectu
ctu, quò te in cunis adorarunt Pastores
Magi. Adoro te illo affectu, quò te ad
rabat viventem hic in terris, & nunc in
eccelesio adorat Preciosissima Parens tua.
Adoro illo affectu, quò te adoravit Centur
& omnes viatores devotè communicante
omnibusq; illis affectibus laudis & adorati
nis, quibus te adorarunt, adorant & tota
eternitate adorabunt omnes Beati coelites.
Horum voce & affectu tibi Deo meo h
presenti cante: Sanctus, Sanctus, Sanctus
Dominus DEUS Sabaoth. Dignus
Domine accipere honorem, & gloriam,
benedictionem. Tibi hic verè presentem
Deo.

& Agno sit honor & gloria ab omnia
 in omnibus, super omnia. O si omni-
 electorum tuorum corda amore tui in-
 amatissima, si ora in laudem tuam elo-
 quatissima, nunc haberem, omnibus illo-
 rum vocibus te laudarem. Sed quia id præ-
 se non possum, ecce nunc illorum omnes,
 desiderii, adorationis, amoris, affectus erga te,
 per totam æternitatem eliciendos ap-
 peto, & tibi nunc præsentis, ac offero in-
 supplementum meæ tepiditatis. Vos verò
 omnes Sancti Angeli, vos Sancti Patroni
 mei, præsertim Tu B. Aloysi, adjuvate me-
 potentiam. Magnificate meum & pro-
 fectum Dominum meum hic præsentem,
 exaltemus Nomen ejus nunc in æternum
 Amen.

II. P R A X I S

Adorare omnia Christi consti- tutiva.

Doro te, ô Sapia Divina in hoc Sancti-
 ssimo Sacramento præsens, quæ omnia
 impossibilia & existentia vides, ipsumque
 eum comprehendis, & quæ hoc mirabile
 sacramentum invenisti. Adoro te hic præ-
 sentem, Omnipotentia Divina, apud quam
 non est impossibile omne verbum quæ
 Doro

omnia in omnibus operaris, & quæ in Sacramento, tot stupenda miracula efficiunt. Adoro te hîc præsentem, ô immensa clemensitas & Liberalitas Divina, quæ cùm cælum & terram impleas, hic tamen in eam quæ hostia tota lates. Adoro etiam te præciosissimam Animam Salvatoris mei, in hoc Sacramento verè ac realiter præsens, cùm omnibus potentis, habitibus, & actibus suis. Benedictus sit tuus intellectus præsens, scientia infusâ rerum omnium, visione Dei clarissima illustratus. Benedicta sit memoria tua hîc præsens, quæ omnium hominum, ac mei etiam indignissimi nunquam obliviscitur. Benedicta sit voluntas tua: tot habitibus virtutum supernaturalium ornata. Benedictæ sint omnes potentie tue vitales, quæ suis actibus veram, gratiam, & gloriam nobis promeruerunt. Adoro præterea te, & complector toto cordis mei affectu Sanctissimum Corpus Domini nostri JESU Christi, hîc realiter præsens, ex purissimo Sangvine Virginis Matris, operâ Spiritûs Sancti formatum pro salute mea olim crucifixum, nunc verò dotibus gloriosis ornatum. Amplexor Pedes tuos cum Magdalena, pro me in Cruce transfixos. Amplexor Manûs vulneratas, in quibus omnia bona nostra Pater posuit. Amplexor Caput spinis coronatum. Amplexor Cor ad me summum chari-

Char
& Sing
gvinis
Domin
pisticis
olim v
men.

Salut

Ave

Acram

Tu es R

vos ille

gnosco

Contra

te uni

Ave

te v

stantiam

ginquam

& coram

qui filio

Ave M

ram

facere v

es.

Ave

ram

e vis qu

Charitate conversum Amplector omnia
 & singula Vulnera tua, omnes guttas san-
 guinis, pretium redemptionis nostræ. O
 Domine, da ut te sub his speciebus Eucha-
 risticis latentem, dignè adorem & laudem,
 olim verò revelata facie videam in cælo, A-
 men.

III. P R A X I S

Salutare Christum in suis officiis.

Ave Domine JESU Christe, in hoc Sa-
 cramento Deus abscondite & Salvator.
 Tu es Rex meus & Dominus meus, ego ser-
 vus ille tuus debitor, procido coram te, a-
 gnosco plurima debita mea, quæ peccando
 contraxi, patientiam habe in me, & dimis-
 te universa delicta mea.

Ave Pater misericordissime. En ego ad
 te venio prodigus filius, dissipavi sub-
 stantiam tuam, recessi à te in regionem lon-
 ginquam dissimilitudinis, peccavi in cælum
 & coram te, amplectere me ad te redeuntem,
 qui filium prodigum recepisti.

Ave Magister Sapientissime. En ego co-
 ram te negligens discipulus, doce me
 facere voluntatem tuam, quia Deus meus
 es.

Ave Pastor vigilantissime. En ego co-
 ram te ovis errabunda. Erravi sicut
 ovis quæ perit, quære servum tuum.

AVe Medice providentissime, quem Spiritus Domini misit, ut medereris contritis corde, Agnosco infirmitates meas, præsertim N. sana Domine animam meam, quia peccavi tibi.

AVe Dux peregrinationis nostræ. En ego Viator à patria aberrans, deduc me in semitam mandatorum tuorum deduc me per vias rectas, & ostende mihi regnum Dei

AVe omnium donorum & gratiarum Dispensator. En est ante te pauper, nudus, miser, & miserabilis; omnia tibi dedica. Pater in manus. Dives in omnes, qui invocant Nomen tuum: das omnibus affluenter, da mihi Domine virtutem N. Da usum salutarem hujus Sanctissimi Sacramenti & tandem perseverantiam finalem, in gratia tua.



C A P U T VIII.

Modus audiendi Sacrum.

Dum prodit ad altare Sacerdos, imaginare Filium Dei, de arcano Patris sine carne nostræ amictum, prodire ad Sacrificium pro salute nostra Deo Patri offerendum,

um, simul etiam vide pondus peccatorum nostrorum ejusdem humeris impostum, quod inclinatio Sacerdotis sub *Confiteor* significat, ubi confessione spirituali peccatorum Deo factâ, petes contritus indulgentiam & absolutionem.

Elevatio Hostiæ & Calicis

Representat Crucifixionem Domini, quem cum passione & sanguine ipsius effuso, per manus Sacerdotis, offeras Deo in protectionem supremi Domini, in gratiarum actionem pro omnibus peccatis, & ad impetranda varia dona Dei, & gratias, tam tibi, quàm vivis & defunctis, pro quibus singulatim orabis, sub *Memento*.

Fractio Hostiæ

Significabit tibi separationem Animæ Christi à Corpore, & descensum ad limbum, ubi pete felicem mortem.

Deinceps usq; ad Communionem.

Imaginare Christum de Cruce depositum, in ulnis Beatæ Virginis, in cujus affectu amplecteris Vulnera Salvatoris tui. Deinde per communionem spiritualem, semper ardens ipsius desiderio, invitabis Christum, deponesque in cor tuum, ceu in sepulchrum


chrum, eo tempore, quo Sacerdos communicat; petendo à Christo, ut in te per gratiam suam semper maneat.

Orationes post Communionem

Denotant Christi apparitiones post resurrectionem, ubi petes gratiam resurgendi à peccatis, & felicem resurrectionem post mortem tuam.

Dum Sacerdos benedicit.

Recordare Christi in Cœlum ascendentis, dum elevatis manibus benedicebas Apostolis. Pete & supplex recipe ab eodem benedictionem.



CAPUT IX.

Praxis recitandi Coronam
B. Virginis.

Oratio pravia.

Pater æterne, da mihi gratiam laudandi Filiam tuam. Fili Dei Unigenite, da mihi gratiam laudandi Matrem tuam. Spiritus Sancte Deus, da mihi gratiam laudandi Sponsam tuam. Tu quoque ó Digniffi-

gnissima Virgo & Mater Dei, dignare me laudare Te. Ego hanc Coronam tibi offero per manus Angeli Gabrielis, corde ac ore ipsius, ac totius militantis & triumphantis Ecclesie, ad gustum tuum, & gloriam accidentalem; in gratiarum actionem pro omnibus beneficiis Tuis, ad compensandas omnes negligentias meas in cultu & amore Tui N. N. &c.

PRIMA DECAS.

*In honorem Conceptæ & Natæ
Beate Virginis.*

Pater noster, &c.

1. **A**ve Mariæ ab æterno, in primogenitam purarum creaturarum electa.
Gratia plena Dominus tecum, &c.
2. Promissa & expectata in lege naturæ
3. Impetrata precibus sterilium parentum.
4. Preservata à peccato originali.
5. In instanti Conceptionis Tux, red-
dita moraliter impeccabilis.
6. In instanti Tux Conceptionis libera
à fomite concupiscentiæ.
7. In instanti Tux Conceptionis, gratia
& omnibus virtutibus super omnes
alias creaturas ornata.
8. In instanti Conceptionis Tux, scienti-
s infusus & usu rationis perfe-
cto prædita.
9. Nata

Gratia plena &c.

AVE MARIA

9. Nata ad orbis decus & solatium,
 10. *Ave Maria*, insignita Nomine MARIA
 die 14. à tuo natali, *Gratia plena* &
 JESU tibi sit gloria, &c.
 MARIA Mater gratiæ, &c.

DECAS SECUNDA.

*In honorem Pueritiæ & Maternitatis
 Mariæ.*

- Pater noster, &c.
1. **T**rimula in Templo præsentata,
 2. **T**rimula votum Virginitatis prima emittens.
 3. In templo contemplationi vacans
 ad 12 annum ætatis.
 4. *Ave MARIA* Castissimo Joseph desponsata.
 5. Ab Angelo Gabriele salutata.
 6. *Ave MARIA* Filium Dei obumbrante Spiritu Sancto concipiens.
 7. *Ave MARIA* Elisabetham visitans, & Joannem sanctificans.
 8. Ob angorem Sponsi Josephi sollicita.
 9. Spatio novem mensium Filium Dei in utero portans.
 10. Expectans horam Virginei partus.
 JESU tibi sit gloria, &c.
 MARIA Mater gratiæ, &c.

Gratia plena, Dominus &c.

DECAS TERTIA.

In honorem partus Mariani.

Pater noster, &c.

Ave Maria, Bethleem profecta, in
 biq̄ue locum non habens in diver-
 sorio, *Gratia plena, Dominus tecum &c.*
 In spelunca Deum-Hominem sine cor-
 ruptione, & dolore parturiens.

3. Natum ex te Deum hominem adorans
 & amplectens.

4. Deum hominem pannis involvens,
 & reclinans in presepio.

5. Deum infantem lactans ubere, de
 celo, pleno.

6. Natum Meisiam Pastoribus exhi-
 bens.

7. Circumciso Deo Filio condolens.

8. Nomen JESU Filio imponens.

9. Tribus Regibus Filium adorandum
 proponens.

10. In Templo primogenitum tuum Deo
 offerens.

JESU tibi sit gloria, &c.

MARIA Mater gratiz, &c.

Gratia plena, &c.

DECAS QUARTA.

In honorem DElparæ servientis
Christo, usq; ad passionem
ipsius.

Pater noster. &c.

1. **A**ve Maria fugiens cum Filio in Ægyptum. *Gratia plena &c.*
 2. Per septennium cum Filio in Ægypto exulans.
 3. Deum Hominem in civitate Nazareth educans.
 4. **A**ve *Gratia plena &c.* Gravissimo contubernio Dei Hominis pluribus annis fruens
 5. In templo amissam duodennem Filium querens.
 6. Post triduum invento Filio gaudens.
 7. Deum Hominem tibi subditum habens.
 8. Primum miraculum in Canæ nuptiis à Filio impetrans.
 9. Verba Filii concionantis in corde tuo conservans.
 10. A muliere, de turba vocem extollente publicè collaudata.
- JESU tibi sit gloria, &c.
MARIA Mater gratiz, &c.

DECAS QUINTA.

In honorem planctus DElpara.

Pater noster, &c.

Ave Maria Filio ad mortem abeundi
 ti valedicens. *Gratia plena &c.*
 Compassa filio capto, flagellato, spinis
 coronato.

Occurrens Filio crucem baiulanti.

Stans juxta Crucem Filii crucifixi.

Joanni à Filio è Cruce commendare.

Joannem pro Filio acceptans.

Cernens cum dolore Filium morien-
 tem.

Cernens Filio mortuo latus aperi.

Depositum de Cruce Filium sinu ex-
 cipiens.

10. Filium mortuum sepulchro inferens.

JESU tibi fit gloria, &c.

MARIA Mater gratiæ &c.

DECAS SEXTA.

In honorem DElpara gaudiorum
 & gloriæ.

Pater noster, &c.

1. **A**ve Maria Redivivi Filii prima con-
 spectu & amplexu gaudens.

2. Filium in cælos ascendentem intuens.

Gj

3. Spi-

Gratia plena, &c.

Ave MARIA.

Gratia plena &c.

- 3 Spiritu Sancto die Pentecostes cum Apostolis repleta.
- 4 Cum fidelibus in fractione panis Eucharistici perseverans.
- 5 Apostolos in conversione ad fidem populorum juvans.
6. *Ave MARIA* Præ amoris Divini vehementia in complexu Filii, & in corona Apostolorum suavissime expirans.
7. Apostolorum humeris ad tumulum elata.
8. Cum anima & corpore ad cælos assumpta.
9. Ad Filii dexteram supra omnes Angelos exaltata.
- 10 Cæli terræque Regina declarata.
JESU tibi sit gloria, &c.
MARIA Mater gratiæ, &c.

Ternio ultimus.

Pater noster, &c.

Ave Maria Laureolâ Martyrum coronata.

Ave Maria Laureolâ Doctorum coronata.

Ave Maria Laureolâ Virginum coronata.

Credo, Magnificat &c.

Praxis recitandi Corollam 12 Stellarum, seu virtutum Deiparæ.

Vers. Dignare me laudare te Virgo sacrate.

R. sp. Da mihi virtutem contra hostes tuos.

Pater noster &c.

Im.

*In honorem Dei Patris amantis
B. V. M. ut filiam.*

Ave Maria charitate Dei ardentissima, gratiâ plenâ &c.

Ave Maria Religione erga Deum ornatisissima.

Ave Maria pientissima.

Ave Maria obedientissima.

Pater noster &c.

*In honorem Filii amantis B. V.
ut Matrem.*

Ave Maria misericordissima.

Ave Maria liberalissima.

Ave Maria mansuetissima.

Ave Maria patientissima.

Pater noster, &c.

*In honorem Spiritûs S. amantis B.
Virg: ut Sponsam.*

9. Ave Maria castissima.

10. Ave Maria pauperrima.

11. Ave Maria prudentissima.

12. Ave Maria veracissima.

In fine Salve Regina.

CA.

CAPUT X.

Variæ coronæ per hebdomadam dicendæ.

Die Dominico. In honorem Sanctissimæ Trinitatis, recitetur in Majoribus globulis: Sanctus, Sanctus, Sanctus, Dominus DEUS Sabaoth plena est omni terra gloria eius; In minoribus verò globulis: Gloria Patri &c.

Feria Secunda. In honorem Angeli Custodis, in Majoribus globulis dicatur: Sancti Angeli Custodes nostri, defendite nos in prælio, ut non pereamus in tremendo iudicio. In minoribus autem dicatur: S. Angele Dei qui custos es mei, me tibi commissum pietate serva custodi, regere & gubernare.

Feriâ Tertîâ. In honorem B. Stanislai, dicatur in majoribus globulis: Gloria Patri. In minoribus: Ave Beata Kofule, Cælestis hortus f. scul, meus de JESUM fribus, de Dominum gemitibus.

Feriâ Quartâ. Recitetur in majoribus globulis: Pater noster. In minoribus verò: Deus meus Omnia amo te super omnia: vel Deus meus sis benedictus in æternum: vel Deum propitium esto mihi peccatori.

Feria

Feriâ
Sacram
taris b
Et sim
Feriâ
Domi
te Chr
Sam C
minor
Su Chr
Sabb
In maj
De l
Sponsa
tem re
cicli
mei.
prop
✠
Oble
i.
no

DECIMUM

Feriâ Quintâ. In honorem Sanctissimi sacramenti. In majoribus globulis: O Salutaris hostia. In minoribus: Laudetur Sanctissimum Sacramentum.

Feriâ Sextâ. In honorem Passionis Domini. In majoribus globulis: Adoramus te Christe & benedicimus tibi, quia per Sanctam Crucem tuam redemisti mundum. In minoribus verdè: Qui passus es pro nobis, IESU Christe miserere nobis.

Sabbatho. In honorem Beatæ Virginis. In majoribus globulis recitetur: Ave Filia DEI Patris, Ave Mater DEI Filii, Ave Sponsa Spiritus Sancti. In minoribus autem repetatur suprema vox morietis S. Francisci XAVERII illa: Mater DEI memento mei. vel B. Stanislai: O Maria sis mihi propitia.



CAPUT XI.

Observanda circa Confessionem Sacramentalem.

Ante Confessionem Actus.

i. Confundere ac erubescere cum Publicano nolente oculos ad cælum levare.

Deus

DEUS infinitæ Majestatis, confundor & erubescio ante te, quod tanta sceleritate peccatorum, animam meam sanguine Filii Dei emundaram, contaminaverim. Quod contra te Patrem, ego ingratusissimus filius: contra te supremum Principem, ego rebellis servus, contra te Deum meum, ego vilissimus terræ vermiculus insurrexerim. Quod denique me tam exosum oculis tuis ac Beataz Virginis, totiusque Curiaz cœlestis reddiderim. Ah quàm inops sum, quàm nudus, gratiâ tuâ spoliatus, quàm dignus sum ab omnibus creaturis contemni & odio haberi, propter peccata mea.

2. Admiraberis Dei erga te longanimitatem:

ET quomodo, ô Judex justissime omnem contra me non armasti creaturam? Quomodo me vivam terra non absorbit? Cur in me fulmina de cœlo non ruerunt. Tua hoc clementia effecit, ô Pater misericordiarum, qui me tunc etiam, cum te peccando oppugnabam, ad ubera tua gestabas; qui me ad hanc insuper poenitentiam non solum expectasti, sed etiam vocasti, & nunc amplexum & oscula mihi paras filio prodigo.

3. Deprecaberis Deum offensum.

Fretus ergo misericordiâ tuâ, quâ peccatores recipis, ad te venio, è regione
1007

longin
procid
volv
stus
plac
Pecca
habe

D Am
pec
simulq
mum
meu
quia
gnis
Doleo
titudo
atura
nis,
cultum
ex mo
Legisla
leo ex
ximo
fensas
Justi
bes i
quar

UNDECIMUM 61

Quinquaginta dissimilitudinis prodigus filius,
procido coram te cum seruo debitore, pro-
volvor ad pedes tuos cum Magdalena, & affe-
ctu omnium poenitentium, qui tibi aliquando
placuerunt, misericordiam supplex imploro.
Peccavi Domine, miserere mei, patientiam
habe in me: propitius esto mihi peccatori.

4. *Retractatio & Dolor.*

DAnno Domine, revoco, & detestor omnia
peccata mea, ideo quia tibi displicent,
simulque super omnia doleo ex motivis om-
nium virtutum, quia te aliquando Deum
meum offendi. Doleo ex motivo charitatis,
quia tibi summum bonum omni amore di-
gnissimum materiam displicentiae prae-
bui. Doleo ex motivo Spei, quia me a te o Bea-
tudo mea averti, & finem ultimum in crea-
tura constitui. Doleo ex motivo Religio-
nis, quia tibi excellentissimae Majestati,
cultum debitum peccando subtraxi. Doleo
ex motivo Obedientiae, quia tibi supremo
Legislatori inobedientem me prae-
bui. Doleo ex motivo Gratitude, quia tibi ma-
ximo Benefactori, pro tot beneficiis, tot of-
fensas ingratus exhibui. Doleo ex motivo
Justitiae, quia juri tuo supremo, quod ha-
bes in me, contraveni. O utinam exitus a-
quarum deducant oculi mei, quia non cur-
stodie-

studierunt legem tuam! O utinam nunc omnium pœnitentium, lacrymas, contritiones, & amaritudines habeam, quibus defleam peccata mea.

s. Propositum.

AH quando tandem finis turpitudini mee! dixi nunc ceppi; statuo firmiter Domine, cum auxilio gratiæ tuæ, omnia peccata, præsertim N. N. omnesque peccatorum occasiones diligenter vitare. Proreſtar coram te, & curia tua cœleſti univerſa, quod malim mori, & omnia adveſa pati, quàm te peccato mortali offendere. Demergo igitur animam meam in ſanguinem tuum prætiſſimum, tempore Paſſionis tuæ in ablutionem peccatorum effuſum, & per eandem paſſionem ac mortem tuam, te rogo, ut deleas iniquitatem meam. Amolius lava me Domine ab iniquitate mea, & à peccato meo munda me.

In ipſa Confefſione.

Petitâ à Sacerdote benediſſione, recita immo primis: Confiteor. Deinde humiliter, diſtinctè, integrè, cū circumſtantiis neceſſariis, numero peccatorum graviſſorum, non ſecus ac eus coram iudice DEO, enumera peccata tua, hic ordine, ut primo dicas peccata quæ offendent Deum, deinde illa, quæ proximis concernunt, ac demum quæ teipſum.

DE h
mea
patient
ſuper o
propoſ
to pecc

Confer
pro bene
poſitum,

Dei qu
quod ſi

BEni
lepra
am ant
à lepra
ſi; Ber

quæ me
projicit
ſed om
projicit
dignatu
contem
culum,
here a
cis do
ter m

In fine.

DE his atque de omnibus totius vite
 meæ peccatis, præsertim de omnibus im-
 pudentiis & verbis otiosis accuso me, doleo
 per omnia, ex amore DEI summi Boni,
 propono cum Dei gratia emendationem, pe-
 nitentiam & absolutionem.

Post Confessionem.

*Conferes te illico ad agendas Deo gratias
 pro beneficio absolutionis, confirmando pro-
 positum, & petendo perseverantiam in gratia
 Dei quam in hoc Sacramento obtinuisti,
 quod fieri potest, hoc vel simili modo:*

BENIGNISSIME JESU, revertor ad te cum
 leproso mandato, & cadens in faciem me-
 am ante pedes tuos, gratias ago, quia me
 à lepra peccatorum sanguine tuo emunda-
 sti; Benedicta sit in æternum Bonitas tua,
 quæ me respexit longè errantem, & non
 projecit à facie sua me canem foetidum,
 sed omnia peccata mea post tergum suum
 projecit. Quis sum ego Domine, quia
 dignatus es me rebellem tibi, me tuum
 contemptorem, me vilissimum terre vermi-
 culum, me fugitivum, tam benignè tra-
 here ad te, tam misericorditer osculo pa-
 cis donare. Tua hoc Bonitas fecit ô Pa-
 ter misericordiarum, qui me prodigum
 filium

filium ad te reducem suscepisti, stolā gratia induisti, paterno amplexu dignatus es. Misericordias igitur tuas in æternum cantabo & benedicam te in omni tempore, qui propitiarius iniquitatibus meis, qui sanas omnes infirmitates meas, qui redimis de interitu vitam meam, qui coronas me in misericordiis & miserationibus tuis.

Quis verò jam ampliùs me separabit à te, Bone JESU? an voluptas? an mors? Nil horum cum gratia tua mi Deus. Statuo firmiter custodire Judicia justitiæ tuæ. Malo mori quàm scèdari, quia mihi bonum est adhærere tibi, quia tu omni amore dignus es.

Confirma Domine hoc propositum, quod in me operatus es. Adjuva me ò JESU, virtus mea, firmamentum meum, refugium meum, & liberator meus. Adesto mihi Divina Mater, peccatorum refugium. Adeste Beati Coelites, Patroni mei.

Quia verò adhuc tibi Domine ita debitor sum, ut non habeam unde de meo satisfaciam; idcirco quidquid mihi deest, supplico ex meritis tuis infinitis, quæ tibi unâ cum meritis Pretiosissimæ Matris tuæ, & omnium tuorum Electorum, offero in satisfactionem pœnæ debitæ pro peccatis meis. Offero simul etiam cum illis meam hanc exilem satisfactionem sacramentalem, quam nunquam
amore

more tu
romi tu

Hic ab
egralis b
um pessa
propt.


XXXX

C
Praxi

Praxi
mota
puritate
ti, sed e
quam cr
ctus, an
hunc coe
s. Co
die Con
tio pot
gustum
gram B
culacus
gressib

ore tui facio, ipse vindex scelerum me-
 orum: tu eam suscipe & salva me.

Hæc absolue pœnitentiam, cum sit pars in-
 erialis huius Sacramenti, ne protracta ad fla-
 um peccati mortalis, tibi parum aut nihil
 eritu possit.



CAPUT XII.

Praxis Sacræ Communionis.

Ante Communionem.

PRæmittenda est duplex præparatio, Re-
 mota & Proxima. *Remota* consistit in-
 puritate cordis, non solum à sordibus pecca-
 ti, sed etiam ab affectu inordinato ad ali-
 quam creaturam. Nam ut ait Spiritus San-
 ctus, anima saturata bonis terrenis, calcat
 hunc cœlestem favum Eucharistiæ.

1. Consistit in aliqua mortificatione pri-
 die Communionis facienda, quæ mortifica-
 tio potissimum afficere debet linguam, &
 gustum, quibus immediatè percipimus Sa-
 cram Eucharistiæ, ut sic Agnus iste imma-
 culatus sumatur cum lactucis acerbis & a-
 grestibus.

3. Con-

3. Consistit in excitatione ferventis desiderii ad imminentem brevi communionem. Proxima verò præparatio complectitur hunc affectus.

Actus Fidei.

Credo firma fide, Domine JESU Christus propter tuam revelationem, te sub accidentibus Eucharisticis esse verè & realitè præsentem, unà cum Divinitate, anima, corpore, & sanguine tuo pretioso, & quidem per conversionem totius substantiæ panis in Corpus tuum, & totius substantiæ vini in sanguinem. Illum inquam Deum te præsentem credo, & confiteor in hoc Sacramento, qui ex Patre genitus es, ante omnem sæcula, eidem consubstantialis, qui pro salute nostra incarnari, nasci, pati, & mori voluisti: qui denique à mortuis redivivus nunc ad dexteram Dei sedes, iudex vivorum & mortuorum. Tu es ipse Rex meus, & Dominus meus. Tu Rex gloriæ Christus, Tu Pater sempiternus es Filius. Tu ad liberandum suscepturus hominem, non horruisti Virginis uterum. Tu ad dexteram Dei sedes in gloria Patris. &c.

Actus Gaudii.

GAude & exulta anima mea, ecce Rex tuus venit tibi. En ipse stat post parietem & velamen istorum accidentium patet tibi. nis.

En pulsat ad cor tuum, ipsi aperit
 O quanta mea felicitas! Regem cœlestis
 terræ meo suscipiam hospicio, illum com-
 etas, quem castis suis visceribus, quem in
 us suis Virgo Mater gestavit; cuius visio
 omnes Beati in cœlo satiantur, &c.

Actus Humilitatis.

Unde noc mihi, ut Dominus meus ve-
 niat ad me? qui enim ego sum Domine?
 quis tu? Tu candor lucis æternæ, infinita
 itas; ego putredo, ego summa fœditas.
 immenta Majestas, ego vermis & cinis.
 one parum est tibi semel in stabulo pro-
 natum esse, quia iterum hodie ad hoc
 quilinium cordis mei intrare desideras?
 Domine exi à me quia homo peccator
 non est bonum hunc panem filiorum
 hi cani putrido dare, non expedit hanc
 demptionis nostræ gemmam pretiosissimam
 ant porcum projicire.

Actus Spei.

T scio Domine, quia etiam catelli e-
 dunt de mensis Dominorum suorum.
 io quia debiles & claudos ad cœnam tuam
 virasti, quia cum peccatoribus manduca-
 st, quia filium prodigum ad te reducem
 tulisti sanguinatus tractasti. Audio etiam

ex hoc Sacramento illam suavissimam v
 cem etiam. Venite ad me omnes qui lab
 ratis & onerati estis, & ego reficiam v
 Accedo ergo ad te fretus bonitate tua,
 elementia infinita, cum publicanis & pe
 catoribus: venio cum filio prodigo. Pa
 benignissime, fac me hodie sicut unum
 mercenariis tuis, qui in domo tua abu
 dant panibus, ego enim fame pereo. E
 ce infirmus sum; ad te ergo Medicum v
 nio. Immundus sum ac sitiens; ergo ad
 curro, fontem omnis puritatis, Frigidus
 tepidus sum, ergo ad te propero o ignis, q
 semper ardes, & nunquam extingveris,
 amore tuo accendar, & consumar. Ten
 brosus sum, ergo ad te festino, ut illum
 ner a te o lux mundi, o Sol iustitiz. V
 ator sum, errans in via ad patriam; er
 ad te confugio, qui es Dux, Via, Veritas
 & Vita.

Invocatio Sanctorum.

Pretiosissima Mater DEI; vosque om
 Beati cœlites, invitate, quæso, hunc R
 gem vestrum ad tuguriolum cordis me
 præparate illud tanto hospiti, emundate
 exornate vestris meritis, virtutibus, affect
 bus. Ornate illud vestra castitate, o Sancti
 Virgines; vestra humilitate Confessores; v
 stra

patientiam Martyres; vestra fide Patri-
 & Prophetarum; vestra devotione Angeli
 Archangeli. Tu vero Mater misericor-
 depone, ex ulnis tuis virgineis, hunc Fi-
 um tuum in sinum cordis mei, sicut il-
 in duro presepio reclinasti, simulque
 concede mihi illos affectus amoris, quibus
 crebas eum amplecti, stringere, osculari.

Desiderium & invocatio Christi.

Quis mihi det Te o dulcissime JESU su-
 gentem ubera Matris mee, ut ample-
 tem te & deoscular? Pater eterne, qui sic
 creasti mundum, ut ei Unigenitum Fili-
 um tuum dares, da mihi nunc eundem.
 Fili Unigenite Dei, qui de sinu Patris ad-
 ventum descendisti, descende Domine ad
 me; ergo Spiritus Sancte, qui Beatam
 virginem Mariam dignum habitaculum Fi-
 o Dei fecisti, effice in me quoque hospi-
 um Filio DEI. Desidero te millies mi-
 JESU, quando venies, me lætum quando
 vides? Quid mihi est in cælo, & præter
 te quid volo in terra? Deus cordis mei,
 pars mea Deus in æternum. Quemadmo-
 dum desiderat cervus ad fontes aquarum,
 ita desiderat anima mea ad te Deus. Pa-
 ratum cor meum, paratum cor meum.

Veni

Veni Domine & noli tardare, veni de-
scendo mea, veni requies mea, salus a-
nimæ meæ, vita mea, Deus meus &
omnia.

Post Communionem.

Salutatio Christi & Adoratio

Desideratissime hospes animæ meæ
procumbo ad pedes tuos cum Magd-
alena, teq; supplex saluto in corde meo
&c. *Vide qua supra dicta sunt cap. 6.*

Affectus Amoris.

IESU dulcis hospes animæ meæ, te super
omnes divitias, honores, voluptates, & si-
per omnia bona creata æstimo, & amo pro-
pter te, & bonitatem tuam infinitam.
Æstimo autem & amo te, quantum est
me, summè intensivè, summè apprehen-
sivè, Seraphicè, Marianè, Theandricè, modis
possibilibus mihi, gratissimis tibi, tibi debiti-
se dignis. Amplector pedes tuos, pro salu-
tate mea clavibus transfixos; exosculor manus vu-
neratas, exosculor latus Sacratissimum lat-
eris perforatum. Amplector & exosculor cor-
pus spinis coronatum, & omnia ac singula
vulne-

vulnera, quæ pro nostra redemptione pati
 soluisti. Amplector autem te affectu Bea-
 tissimæ Virginis Matris, affectu S. Josephi. B.
 loysii &c, & omnium Electorum tuorum,
 & comprehensorum. O quis mihi det il-
 lorum corda & affectus, ad te mi JESU di-
 gendum? Gaudeo quod ab illis ameris
 effectus: eorumq; affectus, sive jam elicitos,
 & ve tota æternitate eliciendos, tibi nunc of-
 fero, una cum illo affectu, quo te SS. Trini-
 tas amat. Sancti Patroni mei amate in cor-
 de meo, laudate & magnificate mecum, hunc
 Dominum meum, & exaltemus nomen ejus
 a idipsum.

Gratiarum Actio.

Liberalissime Domine, quomodo tam
 copiosè, super me indignissimum effun-
 dis beneficia tua? Quid tibi in me placuit,
 quod ab æterno de me cogitasti, meque cha-
 ritate perpetua dilexisti, & ut spero ad glo-
 riam æternam prædestinasti. Quid prome-
 nui, quod me in tempore ex nihilo creasti,
 elictis in abyſſo nihili infinitis creatoris
 melioribus? Quòd me tibi semper rebel-
 lem huc usque conservas, & in sinu tuo por-
 tas? Quid dignum in conspectu tuo egi,
 quòd pro me seruo tuo redimendo incar-
 nari,

D.

nari,

nari, nasci, laborare, pati, ac mori voluisti quod mihi reliquisti infinita merita tua, de Grinam, exempla, Sacramenta? Quod me toties, non lacte, ut mater filium, sed Corpore & sanguine tuo reficis, & nunc etiam refecisti? Quod denique me tot gratis habitualibus ornasti, tot gratiis actualibus praeuenisti & adiuuisti? Agnosco & amplector viscera pietatis tuae, quibus me diligis, agnosco misericordes oculos, quibus respexisti super canem mortuum, similem mihi, atque pro hac tua liberalitate, ac pro omnibus & singulis beneficiis, praesertim pro isto ad me hodierno descensu, tibi gratias ago in unione omnium affectuum, quibus te laudant Sancti tu in caelo. Benedic anima mea Domino, & omnia quae intra me sunt nomini sancto ejus. Benedicam Dominum in omni tempore, semper laus ejus in ore meo.

Oblatio sui.

Sed quid retribuam Domino pro omnibus quae retribuit mihi? Nihil habeo Domine, nisi ista duo zera minuta, corpus & animam, nisi me ipsum, & quidem iam totum tibi debitum. Me ipsum ergo tibi in sacrificium trado, & offero. Suscipe Domine intellectum meum, & memoriam

ut de

ut de te
tarem,
tu non
amec.
& corp
suis op
glosiam

Domi
xeris
& pores
omnibu
quam
terum
praefer
menti,
te amb
& Deus
meum.

AD
Ma
gratias
meum
scepi,
sanguin
dam h

de te, propter te cogitem. Suscipe voluntatem, ut id velim quod tu vis, id nolim quod non vis. Suscipe cor meum, ut te solum nec. Suscipe denique omnes animarum mearum corporis potentias ac vires, ut in omnibus operationibus, ad solam nominis tui, gloriam tendant.

Petitio.

Domine non dimittam te, donec benedixeris mihi. Benedic quæso sicut vis, scis, & potes cordi meo, ut te diligam. Benedic omnibus animarum mearum facultatibus, ne te unquam offendant. Da mihi veniam peccatorum meorum, da profectum in virtute præfiscim N. da usum salutarem huius Sacramenti, ut in fortitudine cibi huius, coram te ambulem perfecte, donec perveniam ad te. Deus meus, unicum ac summum bonum, neum.

Ad Beatam Virginem.

Ad Te etiam supplex accedo, Virgo & Mater DEI, ac Domina mea. Ago tibi gratias, quod hunc Filium Dei Dominum meum, quem ego nunc in Sacramento suscepisti, in uterum tuum suscepisti, quod ei sanguinem tuum purissimum, ad formandum hoc corpus suppeditasti, quod illam.

D. s.

pro

pro hoc usu meo nutritivisti, & educaſti. Beata viscera tua, quæ portaverunt hunc æterni Patris Filium, & beata ubera, quæ lactaverunt Christum Dominum. Tu in me illum amplectere. Tu illi contra in corde meo illud tuum Magnificat, quod SS. Trinitatem delectasti. Tu mihi concede illos tuos affectus amoris, quibus eundem sive in utero, sive in ulnis tuis proſecuta es: ac deum impetra quæſo mihi ab illo, vel micam donorum & gratiarum, quas ipse tibi pro hoſpicio pendic.



CAPUT XIII.

Actus Virtutum Theologicarum,
& Moralium.

Habentur in Corde Sancto Theophili Mariani, à nobis edito, quò Lectorem remittimus.

CAPUT XIV.

Praxis Laudandi Deum.

IN qualibet creatura, quam sensu percipis, adora, lauda, & ama aliquam perfectionem Dei, in tali creatura relucentem. v. g. in cœlo magnitudinem, in sole claritatem, in flore pulchritudinem. *O quàm pulcherrim-*

ulterior, quàm clarior Domine es Sc.

2. DEO agere gratias pro creatione, conservatione, cooperatione, omnium & singularum creaturarum. O Domine sis benedictus in æternum, qui me cum hoc Sole illuminas, cum hoc igne calefacis, cum hoc flore recreas &c. Quot stellæ in cælo, quot guttæ in mari, quot atomi in terra, quot creaturæ in universo sunt, fuerunt & erunt, toties te pro omnibus & singulis momentis creationis ipsarum, & conservationis, nec non concursus tui cum ipsis, laudo & glorifico.

3. Omnia bona opera omnium hominum & Angelorum, quæ tibi Domine unquam placuerunt, vel adhuc placebunt, approbo, & tibi offero ad gustum tuum: è contra, quot peccata in hoc universo fuerunt, sunt & erunt toties illa detestor, & retracto, teque amo super omnia, in recompensationem aliquam pro illis.

4. Facio tale pactum ò Deus tecum. Quoties per hunc diem respirabo, toties in me volo trahere corda & affectus electorum tuorum, atq; illis toties te amare, & laudare, & quidem in proportionem Geometricam duplam; ita ut sequens affectus, sit duplo intensior, quàm fuerit præcedens.

5. Conversus ad quatuor Orbis partes,

D;

quater

quater genuflecte, adorando Deum nomine
 omnium hominum in mundo viventium
 przsertim fidelium & peccatorum, dicen-
 cum Seraphinis: *Sanctus, Sanctus, Sanctus*
Dominus Deus. vel: Regi seculorum immortali
soli Deo honor & gloria.



CAPUT XV.

De modo colendi Christum Do-
 minum, & Festa ipsius per An-
 num celebrandi.

Universaliter ad cultum Christi
Domini hac conducent.

1. **F**REQUENTER illum adorare, sive in Eu-
 charistia, sive in coelo, ubi illum con-
 templaberis ut Governatorem, ut Summum
 Pontificem, ut omnium gratiarum Dispen-
 satorum, dicetq; dum coelum aspicias: *Seden-*
ti in Throno DEO, & Agno honor & gloria
2. Desiderare & procurare, ut gloria &
 amor Christi promoveatur ubiq; & semper.
3. Procurare ut actiones tuæ sint simi-
 les actionibus ipsius.

4. De

4. D
 tis, loq
 5. H
 caput
 6. C
 eati, of
 cium,
 fert in
 sui.
 7. El
 honore
 temi hi,
 Affe
 Qui
 IESU
 verum
 meum
 1. F
 & om
 ample
 3.
 & pe
 riam
 4.
 omn
 cord

4. De illius officiis, excellentiis ac meritis, loqui, legere, meditari.

5. Honorare illum in proximis tanquam apud in membris.

6. Offerre sæpius ipsius merita, SS. Trinitati, offerre etiam Patri æterno illud sacrificium, quod Christus Dominus perpetuo offert in cælo: *Pater respice in faciem Christi tui.*

7. Elicere 33. affectus erga Christum, in honorem 33. annorum ipsius vitæ. Sunt autem hi, vel similes.

Affectus erga Dominum IESUM.

Qui etiam disponi possunt per decades Coronæ.

1. Adoratio.

IESU Excellentissime, te adoro cultu latissime
verum DEUM, ac Supremum Dominum
meum.

2. *Fides.* IESU Veracissime, in te credo,
& omnia quæcunque revelasti, firmissimè
amplector propter te.

3. *Spes.* IESU Benignissime, in te spero,
& per merita tua, veniam, gratiam, & glo-
riam.

4. *Amer.* IESU Amabilissime te super
omnia bona creata æstimo, ac diligo toto
cordis mei affectu.

5. *Gratulatio.* JESU Perfectissime, cum tota Ecclesia gratulor tibi, & gaudeo de tua Divinitate, de omnibus excellentiis tuis.

6. *Gratitudo.* JESU Beneficentissime, pro tua incarnatione, doctrina, meritis, Sacramentis, & pro gratiis omnibus, sis benedictus in æternum.

7. *Zelus gloria Christi.* JESU Honorabilissime, desidero ut ab omnibus creaturis rationalibus super omnia lauderis & ameris in æternum.

8. *Dolor.* JESU Dignissime, doleo super omnia mala, de omnibus peccatis, negligentis, ac irreverentis, quibus aliquando a me & ab omnibus peccantibus offensus es.

9. *Oblatio sui.* JESU Liberalissime, totum sum tuus, eroque in æternum; sicut tu totum meum esse voluisti.

10. *Petitio.* JESU Misericordissime, peccata vulnera tua esto mihi JESUS & Salvator nunc & in morte mea.

Hi affectus cum semper usurpari possint sunt tamen alii, qui magis sunt accommodati singulis festis Salvatoris, de quibus aliquid dicendum.

In Adventu Exercitia.

1. **V**isitabis sæpius in utero Beatissime Virgi-

Virgini
liberati
novem
novem
tione.
bi Inc
ris que
ma Vir
carnate
2.
specialit
dices or
fic bene
tua po
mirabili
diſta.
tam p
num.
bis Fi
ſti. S
ſtras m
ſtitia, c
pro no
ſcipere
3.
honor
temp
mand
tis.

virginis Christum, tanquam in carcere pro-
 beratione tui existentem, & in honorem
 ovem mensum, quibus ibi mansit, elicies
 ovem actus, quales sunt: Fides de incarna-
 tione Verbi Divini, Adoratio ejusdem Ver-
 bi Incarnati, Amor ejusdem, in unione amo-
 ris quo illum in utero suo amavit Beatissi-
 ma Virgo, Gratiarum actio pro beneficio In-
 carnationis, & similes.

2. Quoniam DEUS per Incarnationem
 specialiter manifestavit sua attributa, benedi-
 ces omnia & singula, hoc modo: Domine
 tu benedicta ab omnibus, super omnia,
 tua potentia, quam ostendisti, uniendo tam
 mirabiliter Verbum humanitati. Sit benedi-
 cta Sapientia tua, quâ invenisti modum
 tam proportionatum salvandi genus huma-
 num. Sit benedicta liberalitas tua, quâ no-
 bis Filium tuum, & omnia cum illo dona-
 sti. Sit benedicta Misericordia tua, quâ no-
 stras miseras suscepisti. Sit benedicta Ju-
 stitia, cui ut satis faceres ad æqualitatem
 pro nostris peccatis, carnem passibilem su-
 scipere voluisti, &c.

3. Imitando VERBUM Incarnatum, in
 honorem ipsius muti & humiliati, hoc
 tempore exercebis te potissimum in refre-
 nandis vitiis lingvæ, & in actibus humilita-
 tis. Item ad imitandam unionem hypo-
 staticam.

staticam, exercebis te in unione morali cum DEO, quæ consistit in destructione amoris proprii, qui est velut substantia hominis veteris & terreni, & in amore DEI, per quem homo, unus cum DEO spiritus efficitur.

4. *Petitiones* hoc tempore istæ possunt esse: *VERBUM* Incarnatum de celo in terram descendens, da ut ego hinc in celum redam, & perveniam. *Fili DEI* qui factus es filius hominis, da ut ego fiam filius DEI.

O Sapientia Incarnata, quæ ad me docendum venisti, da ut observem doctrinam tuam.

Tessera hoc tempore frequenter repetenda, sit hæc: *Veni Domine & noli tardare.*

In Nativitate Domini.

1. **A**liquoties de die, nunc cum Pasto-ribus, nunc cum Angelis cantantibus Gloria in excelsis, nunc cum Magis salutabis & adorabis in stabulo Christum natum, hoc modo: *VERBUM* Incarnatum, adoro in hoc parvo tuo corpusculo immensitatem tuam, quæ cælum & terram implet. Adoro in hac tenella ætate, tuam æternitatem. Adoro in hac muta infantia tuam sapientiam infinitam. Adoro in hac carne mortali tuam immortalitatem. Salve, Rex Regum, Rex pacifice, Princeps pacis, veni & impera nobis. Salve ô lux mundi
 & illuc.

DECIMUM QUINTUM

illuminans pastores: illumina quæso tenebras meas. Salve Pastor, quærens in hoc stabulo ovem perditam: quære me, quia ovis sum perditus. Salve Magister veritatis, occens ex hac Cathedra præsepiti: doce me, scire voluntatem tuam.

2. Toro die per imaginationem versaberis in sacro stabulo, in quo natus est Christus. Itaque decumbes propè bovem & asinum, qui Christo præstabat obsequium. Dum te indues, recordaberis fasciarum Christi Infantis. Dum comedes, recordaberis lactis virginici, quo Christum Virgo Mater nutriebat. Audiendo cantum, recordaberis cantus Angelici in stabulo. Dum examen facies, putabis te cum S. Josepho vertere stabulum, juxta illud Davidis: *Scopebam spiritum meum.*

3. Communio Sacra sic fieri potest. Cor tuus stabulum, in quo Christus nasci debet, per gratiam, quam immundum & bestialibus affectibus plenum! *Primò*, ergo te humiliabis coram DEO. *Secundò*, emundabis cor tuum per contritionem. *Tertiò*, Videndo quod non sit locus Christo nato in diversorio, invitabis eum ad cor tuum, petesq; à Beatissima Virgine, ut Filium suum in corde tuo tanquam in duro præsepio deponat. *Quartò*, sic introducto Christo per

Com:

Communionem ad stabulum cordis tui, varia illi obsequia præstabis. itaque adorabis eum cum Pastoribus ac Magis, offeresque aliquam spontaneam incommoditatem, quam suscipies in honorem Christi, aliquid simile in sua Nativitate patientis. Complecteris ipsum affectu S. Josephi, & Beatissimæ Virginis, ac velut Bos & Asinus, comparatus scilicet jumentis insipientibus, eodem amore tuo ferventi calefacies. Ligabis fasciis non tam illum, quam tuam rebellem voluntatem, faciendo aliqua sancta proposita. Parabis balneum illi ex lacrymis contritionis, & compassionis etgæ Salvatorem tuum, jam in sua infantia pro te pati incipientem.

Quintò. Obturabis foramina sensuum tuorum, interdium custodiendo oculos, linguam, aures, ne ventus frigidus repiditatis incommodum afferat Christo, quem in cor tuum suscepisti.

Tessera huius diei, in singulas horas pronuntianda hæc erit: VERBUM CARO FACTUM EST, & habitabis in nobis, vel: **JESU** tibi sit gloria, qui natus es de Virgine.

In novo Anno.

1. **R**Evocabis in mentem beneficia, quæ hoc anno à DEO recepisti, & in gra-

DECIMUM QUINTUM.

1. gratiarum actionem offeres JESUM in circumcissione cruentatum.

2. Cum dolore commemorabis tibi peccata quibus DEUM anno elapso offendisti, & in Sangvine Christi, in circumcissione effuso, abluēs animam tuam, statuesque firmiter pro anno sequenti melius DEO servire, & vitare peccata, præsertim aliquot graviora in particulari.

3. Pro strena offeres Sanctissimæ Trinitati JESUM natum & circumcisum, per quem pro strena vicissim petes benedictionem, & gratiam sanctè vivendi in anno sequenti.

Tempore Passionis.

NULLUM diem omittes, quo aliquid de Passione Domini non mediteris, vel legas ea quæ inferiùs habentur.

1. Mortificationes hoc tempore crebriùs usurpandæ, quales sunt disciplinæ, catenulæ, somnus in lecto duriore, &c. In honorem flagellationis, vinculorum, & crucifixionis Domini.

2. In Actionibus ordinariis retinebis memoriam Domini patientis, juxta ea, quæ circa hoc dicta sunt cap. 3.

3. Videndo Imaginem Christi patientis, vel audiendo aliquod mysterium passionis, excita-

excitabis in te affectum gratitudinis, & offeres Christum patientem pro tuis peccatis, quatenus Christo patienti oppositis. v. g. sudorem Christi pro tua tepiditate in obsequio Divino, flagellationem pro sensualitate, spineam coronam pro ambitione, contemptum Domini pro superbia, crucifixionem pro impatientia &c.

5. Curabis pro tua parte compensare ea, quæ Dominus pro te patitur. Itaque adorabis Maiestatem ejus contemptam, amabis Bonitatem infinitam odio habitam, laudabis & glorificabis Sapientiam detisam. Innocentiam contumelias affectam. Sanctitatem inter sceleratos reputatam, dicendo: *Domine, quot contemptus, quot contumelias, quot odia pertulisti, tot tibi offero affectus laudis, honoris, amoris.*

6. Affectu compansionis omnia & singula vulnera Salvatoris salutabis hoc modo: Ave sedes Sapientie Caput Salvatoris mei, pro mea superbia, coronam spineam redimitum: heu me! ego te meis cogitationibus superbis, inhonestis, &c. ceu spinis laceraui. Ave frons sole serenior, spinis cruentata; in lapsu percussa, ignosce quæso inverecondie mee. Avete Oculi, cæli sidera, pro me velati, contusi, livore pleni: *adoro vos, & damno meam curiositatem,*

DECIMUM QUINTUM ¶

vanitatem, &c. Avete Aures, portæ
 cordis, semper ad orationem nostram aper-
 te, & in Passione contumeliis faucibus: uti-
 tam aures meæ sint apertæ inspirationibus
 vinitis. Ave vultus Angelis desiderabilis,
 ego te per alapam tuam & sputa, non te a-
 pertas à me. Ave dulce os, pro me felle & G.
 cruciatum. Ave Collum funibus constri-
 tum, felle imbutum, propter meam intempe-
 rantiam. Avete Manus, unde bona omnia
 recedunt, ligatæ & clavis transfixæ pro no-
 ris rapinis, vindictis, aliisque manuum,
 eccatis. Avete pedes perforati. Ave La-
 us apertum, porta Domini, per quam ju-
 sti intrant, fenestra humanitatis: intrem-
 & ego per te ad vitam æternam. Ave de-
 niq̄ue Cor Domini mei dulcissimum, Re-
 gia charitatis, refugium miserorum, meis
 voluptatibus afflictum, cruciatum: ac tanto
 erga nos amore accensum, per hoc ipsum
 Cor tuum te rogo bone JESU, ne permit-
 tas, ut Sangvis tuus pretiosus sit pro me fru-
 stra effusus.

*Tessera hujus temporis. Qui passus es pro
 nobis, JESU Christe miserere nobis.*

In Resurrectione Domini.

1. **S**alutabis Christum Dominum Re-
 divivum cum Beata Virgine, cum
 san-

sanctis mulieribus, cum Apostolis &c.

2. Credes firma fide eum resurrexisse v
rè.

3. Sperabis, per mortem ejus, felicem r
surrectionem.

4. Gaudebis de eius resurrectione, & de
dotibus gloriosi corporis.

5. Petes à viriis resurrectionem spirituales
Tessera hujus temporis, hæc erit: *Vita*
JESUS redibit. Credo quod Redemptio
meum. *Vivit.*

In Ascensione.

1. **P**ROstratus ad pedes Christi Domini ascen
dentis, cum Beata Virgine, & Apostolis
valedices ipsi, & gratias ages pro laboribus
spatio 33. annorum toleratis, ac pro consum
mato opere nostræ redemptionis.

2. Offeres illi abeunti pro viatico cor tu
um, ut illud secum accipiat, à terra attollat
cæloque affigat. Offeres & aliquas tua
resolutiones ac proposita, transmittenda per
Christum Sanctissimæ Trinitati, v. g. quod
DEUM nullo peccato mortali offendere ve
lis; quod gloriam ejus majorem propagare
cupias &c.

3. Petes humillimè ut elevatis manibus
benedicat tibi illà benedictione, quam dedit
sanctis Apostolis.

4. Gaudebis de gloriosa ejus ascensione
& exaltatione nominis ipsius, ac de illo am
plexu,

plexu
suscep

5. C
ista ex

Gratias
archis,

lum d
verinc.

6.
gem, S

& The

7. I
in zter

Te

glori
Thron

T
R. P.

CO
Aus.

2.

3.
uns,

exu, quo Sanctissima Trinitas Christum
 suscepit in caelo.

5. Gratas age Sanctissimæ Trinitati pro
 ta exaltatione triumphali Christi Domini.
 gratias item ages Angelis & Sanctis Patri-
 archis, quod Christum triumphantem ad cœ-
 lum deduxerint, ibique Regem suum adora-
 verint.

6. Adorabis in caelo Christum, ut Re-
 gem, Supremum Pontificem, ut Advocatum,
 & Thesaurarium.

7. Desiderabis cum illo esse, & vivere
 in æternum.

*Tessera hujus diei sic hæc: JESU tibi sit
 gloria, qui victor in caelos redis. Sedenti in
 throno Deo, & Agno honor & gloria.*

Die Pentecostes.

Tale Exercitium proposuit
 R. P. Gaspar Druzicki Societatis
 JESU, in MSS.

1.
Concipiatur æstimatio dignitatis, boni-
 tatis, potentix, quam habet Spiritus San-
 ctus.

2. Desiderium ejus presentix.

3. Investigatio eorum, quæ me impedi-
 unt, quominus Spiritum Sanctum plene
 cupiam,

cupiam, cupientem se mihi per sua dona
cópiosa communicare.

4. Mei abiectio, humiliatio, annihilatio
in ejus conspectu.

5. Addi potest gratiarum actio, pro descen-
su in Apostolos, & pro omnibus illustrationi-
bus ac inspirationibus, mihi à Spiritu Sancto
datis.

6. Addi potest dolor de defectibus, quos
restiti spiritui Sancto, eumq; in me con-
cristavi.

7. Invocatio ejusdem ad animam, tanquam
ad templum suum; veniat ignis ad frigus, au-
rum ad lutum, spiritus ad carnem. Ubi ad-
hiberi potest intercessio Beatæ Virginis, &
Apostolorum recipientium Spiritum Sanctum.

8. Petitio eorum donorum à Spiritu Sancto,
quibus hodie replevit Beatam Virginem
& Apostolos.

*Tessera hujus diei: Veni Sancte Spiritus, &
emitte cælitus lucis tua radium. vel: Crea
mundum crea in me DEUS, & Spiritum re-
ctum inuova in visceribus meis. Ne projice
me à facie tua, & Spiritum Sanctum tuum
me auferas à me. Psal. 50.*

In festo Corporis Christi.

Præter ea, quæ dicta sunt de visitatione SS

Sacram.

Sacram
par est,

Affe

Crea
JES

se ver
Sancta
furnific

1. A

affectu

phantis

3. G

quam

eum

4.

emiss,

reticis

to offa

5. A

pro inf

jus Sac

cesso.

6. I

unalib

mente

7.

ternu

Sacra

sacramenti, quàm in hoc festo sæpiùs repetere
 ar est, ad devotionem sequentes iurabunt

Affectus erga SS. Sacramentum.

1.

Credo firma fide & confiteor, Domine,
 JESU Christe, te in hoc Sacramento es-
 se verum Deum & hominem, & quidquid
 Sancta Mater Ecclesia credendum proponit,
 firmissime amplector.

2. *Adoro te*, hic præsertim, cultu matris,
 affectu totius Ecclesiæ militantis & trium-
 phantis.

3. *Gaudeo* de omni honore & gloria,
 quam habes ab Angelis, & fidelibus per to-
 tum mundum, in hoc Sacramento.

4. *Doleo* de omnibus hæresibus, blasphemis,
 sacrilegiis, irreverentiis, quibus ab hæ-
 reticis & malis Catholicis in hoc Sacramen-
 to offenderis.

5. *Ago tibi gratias* cum tota Ecclesia tua,
 pro instructione, administratione, & usu hu-
 jus Sacramenti, tam mihi quam aliis, con-
 cesso.

6. *Desidero*, ut ab omnibus creaturis rati-
 onalibus adoreris, & glorificeris in hoc Sacra-
 mento, & dignè suscipiaris &c.

7. Domine totus sum tuus, eroque in æ-
 ternum, sicut totus meus esse voluisti in hoc
 Sacramento.

8. Sanctissima Trinitas respice in facie Christi tui hic verè præsentis, quem tibi nunc offero, in Sacrificium Latreuticum, Eucharisticum, Propitiatorium, Impetratorium.

9. Da mihi quæso gratiam, ut te in hoc Sacramento, prout oportet, colam & suscipiam, ac demum in cœlesti convivio da, ut te fruam in æternum.

Tessera hujus diei ad singulas horas repetenda: *Laudetur SS. SACRAMENTUM.*



CAPUT XVI.

Breves Meditationes de Passione Domini.

Christus valedicit SS. Matri.

CONSIDERA anima mea, quàm obediens fuerit Christus voluntati Patris æterni cui ut obediret, voluit etiam Matri suæ Santissimæ, quàm ad eam amabat, valedicere, ipsamque relinquere, affligere propter ad crucem, & dolores ac cruciatus acerbissimos. Tu verò quoties ad DEI inspirationes obsurdescis! quàm nimis es affixus terrenis creatis, quæ te in amore DEI impediunt! Erubescere coram DEO, & nunc tandem dic vale omnibus salutis impedimen-

quamvis tibi charissimis, idq; amore
 iusti, & studio imitandi ipsum.

Considera, quo dolore, quibus lacrymis
 cepit hanc valedictionem Filii sui Sanctis-
 sime Mater, quæ tantopere Christum, non ut
 hominem tantum, sed etiam ut Deum dili-
 gat: ex altera parte, vide quam patienter,
 ac triste nuntiū tulit; non conquerendo, non
 na ulla impatientiæ ostendendo, sed poti-
 us conformando se divinæ voluntati. Tu ve-
 ro dum privaris aliquo solatio, dum tibi DE-
 us aliquam afflictionem immittit, quam im-
 patienter es! quam DEI voluntati repugnas!
 Lile igitur & desle tuas impatientias. Resi-
 ga te DEO ad omnes afflictiones. Compa-
 re afflicta SS. Matri, pete ab illa patienti-
 am in adversis.

Christus orat in horto.

Considera, quâ reverentiâ Christus
 orat Patrem, quâ attentione, quâ
 devotione. Orat prostratus in terram, oras
 paratus à discipulis, in loco remoto ab om-
 ni strepitu, tempore noctis quieto. Et ta-
 men fuit æqualis Patri, non fuit obnoxius di-
 tractionibus in orando. Tu verò quàm ir-
 reverenter, quam distractè, quam tepide oras,
 querisq; cum DEI majestare, cum sis pul-
 vis &

vis & cinis, ac vilis ranuncula. Erubescere, prole, propone emendationem, pete à Christo donum orandi, & ejus orationem offerre DEO, pro tuis in orando defectibus.

2. Considera alias virtutes orationis Christi; fuit enim conjuncta cum filiali fiducia cum diceret: *Pater, si possibile est.* Fuit cum DEI voluntate conformis, cum dicere *Non mea, sed tua voluntas fiat.* Fuit perseverans, cum tribus horis, ter eandem orationem repetierit. Discce Christo orante, qualis tua debeat esse oratio. Vide an talis soleat esse. Pete veniam defectuum in orando. Propone Christum orantem imitari, & ad hanc operam ab ipso implora.

*Christus tristatur & sanguine
sudat.*

1.

Vide & imaginare Christum pallentem, tristem, tædio afflictum, quales solent esse agonizantes, & considera, quod hæc tristitia fuerit tanta, ut sufficeret ad mortem, prout ipse Dominus dicit: *Tristu est animi mea ad mortem.* Tum quære ex Christo JESU voluptas cordium quis te adeo afflixit? Respondebit ipse proculdubio, te fuisse causam tristitiæ, illa tua voluptate illis.

in tuis peccatis, quæ tunc Christus in hor-
 videbat, & quæ tantopere tunc horre-
 , ac detestabatur. Quibus expensis,
 cita in te summum odium, ac detestati-
 em peccati præsertim illius, in quod se-
 s laberis. Pere à Christo mærente con-
 ionem de peccatis. Statue aliquod so-
 ium Christo mærenti asserre. Commem-
 Christo agonizantes, tuamque agoniam;
 illa tua tædia extrema, pavorem ac tristi-
 s, conjunge Christi tædiis, pavori ac tri-
 tiis.

2: Vide Christum Sangvine sudantem,
 le desluentem guttas sanguinis primo in ve-
 m, deinde in terram. Hæc admiratur,
 rare causam hujus prodigiosi sudoris, quæ
 n est alia, nisi quod Christus pro salute
 a, tantum laboraverit usq; ad sudorem
 ngvineum. Tu verò quàm parum laboras
 o salute tua! quid hætenus pro illa ardui
 perasti? cui tentationi usque ad sanguinem
 stitisti? quid heroicum generosè fecisti?
 onfundere. Collige istas guttas sanguinis
 nquam gemmas pretiosas, & repone in
 rde tuo. Suppone terram cordis tui isti
 uvæ sanguineæ, & pete à Christo, ut
 ore pretioso cor tuum aspergat, red-
 itq; fertile ad producendos flores & fructus
 stutum. Denique statue usq; ad sudor-
 m, usq; ad sanguinem pro DEO, pro cor-
 lo, pro

lo, pro anima tua generosè operari.

Christus comprehenditur.

1.

CONSIDERA ex una parte furorem satellitum quo in Christum velut in agnum lupi irruerunt, eumq; funibus & catenis ligarant ad instar proditoris. Ex altera parte vide mansuetudinem Christi, non repugnantis sed sponte manus offerentis ad vincula. O Samson invidiosissime, quis te his compedibus ligavit? Nemo alius d. anima n. amor tui, aut potius peccata tua: ait enim per Prophetam: *Eum peccatorum circumplexi sunt me gratis.* Ergo tam dures eris corde, ut videns amore tui ligatum DEUM Hominem, non permittas te ab eo ligari, non catenam ferream, sed auream amoris. Non ut amittas libertatem & vitam æternam. Instat tam diu ad postem cordis tui pulsans DEUS, ut te liget sibi in vincula caritatis, sibiq; adstringat. Dona te aliquid quando ipsi, qui se tibi ad tam dura tormenta donavit. O Domine liga cor meum amore tuo; liga memoriam, ut tui soli recordetur; oculos ne videant vanitatem; liga manus ne operentur iniquitatem; liga linguam, ne quod tibi displicet loquatur; liga pedes, ne ambulent in via peccatorum. Liga me totum vinculis charitatis, ut viva in DEUS TUUS IN ÆTERNUM.

2. Christi-

2. Christi-
terram a
eorumq;
mea, Do
cui curva
rubim,
villissim
tum se
pulvis &
quæ alta
vis subie
litate,
tem à Ch

Christi-

Co
na
Arina, c
Arinam
responsu
accepit
Christo t
Coestanti
contum
nie infi
terram
ciem Cl

2. Christus tam crudeliter ligatus, ad terram à nefariis satellitibus prosternitur, eorumq; pedibus conculcatur. Vide anima mea, Dominum gloriæ, Regem majestatis, ubi curvatur omne genu, qui sedet super Cherubim, cujus cælum sedes est, sub pedibus vilissimorum hominum jacentem. O quantum se demisit pro te tanta majestas! & tu pulvis & cinis, terræ vermiculus, tam studiosè alta petis, omnibus cupis eminere, nulli is subjici. Offer DEO istam Christi humilitatem, pro tua superbiâ, pete hanc virtutem à Christo pro amore tui conculcato.

Christus ad Annam alapâ caditur.

I.

Considera, quomodo Christus ab Anna Pontificæ interrogatus de sua doctrina, cum modestè respondisset suam doctrinam esse publicam, ob hoc modestum responsum, ab uno ministrorum alapam accepit. Expende quàm fuerit hæc alapa Christo tantæ dignitatis Personæ, in tot spectantium præsentia, non solum graviter contumeliosa, sed etiam crudelis, cum fuerit inflicta manu armata, ita ut Christus in terram prolapsus sit. Contemplare ergo faciem Christi lividam, vide signa illius sacrilegæ

B

crilegæ

trilegæ manus, faciei Christi impressa; & obstupescere tantum scelus, Christoque patienti compertere, sed simul vide tuam impietatem, O quoties & tu faciem Christi percussisti! non valendo audire ejus vocem, quæ tibi ad cor loquitur, contemnendo ipsius vocationem ad statum meliorem, non assequendo Christi consilia. Igitur cum dolore pectus tuum percute, & osculare Crucifixi imaginem, petendo veniam, & emendationem proponendo.

1. Considera patientiam & mansuetudinem Christi: pro tam crudeli & ignominiosa alapa, non evocat è cælo fulmina, non malum imprecatur, non signum ullum impatientiæ ostendit, non prorumpit in verba mordacia, sed mansuetissimè respondet: *Si malè locutus sum, testimonium perhibe de malo; si autem bene, quid me cædis?* Admirare hanc patientiam & mansuetudinem, simul te reflecte supra tuam impatientiam, dum uno verbo, una levi confusione provocatus, tam facilè exandescis, nisi minas & vindictam spiras, in tot verba aspera & maledicta prorumpis. Confundere, discas à Christo mansuetudinem & patientiam, eamque propone, ac pete à Christo mansuetissimo.

Christus

Vide
mo
quam
in illo
qui est
pronunc
judicatu
nea jud
marum
manda
quantu
aut co
plo C
& jud
da te
ti &
do.
1.
de pa
Nam a
tanqu
tum
alii p
facier
bant.
tere e
patien

Christus apud Caipham.

I.

Vide Christum ligatum stare cum omni modestia ante Caipham. Considera quam injustè ipsa innocentia & Virtus DEI in illo concilio accusatur, quomodo ille qui est Sanctus Sanctorum, & author vitæ, pronuncietur blasphemus, & reus mortis iudicatur. Hinc agnosce, quàm sint erronea iudicia humana, quæ Christum condemnarunt, ac proinde quàm parvi sint æstimanda. Tu verò quàm studiosè ea queris! quantum affigeris, cum injustè accuseris aut condemnaris. Erubescere, & discere exemplo Christi pati accusationes, calumnias, & iudicia hominum, atque ad hæc toleranda te offer, amore Christi injustè accusati & condemnati, à DEO auxilium petendo.

2. Considera alias injurias, quas hac nocte passus est Christus in domo Caiphæ. Nam alligatus ad columnam, fuit expositus tanquam mera opprobriorum furori satellitum, quorum aliqui velarunt faciem eius, alii pugnis & alapis eum exdebant, alii in faciem eius spuebant, alii capillos evellebant. Admirare hoc spectaculum & compatere ex corde Christo, tanta pro amore tui patienti, simul etiam dole, quòd tu quoque velare.

E a

velare soleas oculos Christi, quando ita liberè peccas, ac si te peccantem DEUS, non videret. Dole, quòd in faciem Christi spuas, dum in præsentia illius effutis verba inhonesta, spuris omnibus turpiora. Dole, quòd Christo alapam infligis, cum alios confundis, & ex amore Domini tui abhinc seriè corrigè corrigenda.

Christus apud Pilatum.

1.

CONSIDERA calumnias Christo impositas à Judæis apud Pilatum, tam enormes. Nam appellatus est malefactor, seditiosus, ambitiosus, læsæ majestatis reus: & tamen fuit innocens, segregatus à peccatoribus, Sanctus sanctorum.

Ex altera parte considera silentium Christi, cum nec per se, nec per alium voluerit refutare calumnias, licet facile potuerit, & licet faventem sibi Judicem habuerit. Hinc verè reflexione supra te facta, vide, an tu quoq; in aliquo innocente Christum non es calumniatus, an non infamaveris, & detestare hoc vitium, ac pete à Deo charitatem proximi. Deinde vide quo silentio toleras calumnias, iniquas accusationes, detractio- nes, & ad alias tolerandas te resolve amore Christi, petendo patientiam.

à Ex^a

2. Expende illa verba Christi, cum interrogatus à Pilato: *Ergo Rex es tu?* Respondit: *Regnum meum non est de hoc mundo.* Quibus verbis docet Christus, non, qui Christum adoramus, non debere inhiare mundanis divitiis, honoribus, voluptatibus, quæ omnia transeunt, sicut fumus & umbra: sed potius studere congregandis meritis, & divitiis æternis, spectando in omnibus nostris actionibus Regnum cælorum, & gloriam æternam, ad quam creati sumus. Tu verò quæ quantum affixus es mundo ejusque fallacii! quam raro ad bona æterna & cœlestia aspiras! & tamen te Christi sequacem esse dicis. Erubescere mendacium istud, & pete à Deo gratiam, ut tibi vilescant omnia transitoria, & chara sint bona æterna.

Christus apud Herodem.

I.

CONSIDERA, quomodo Christus per plateas urbis publicas, spectante populi multitudine, cinctus funibus & catenis, ab uno tribunali ad aliud, tanquam latro ducitur, aut potius trahitur; quomodo à satellitibus nefariis, nunc pugnis, nunc calcibus tunditur, quomodo ab insolentissima plebe, cui tot beneficia præstitit, illuditur, luto & la-

E,

pidi-

pidibus impetitur, jam latro, jam falsus
 Propheta, ac deceptor hominum proclamatur.
 Ex altera parte eleva mentem, & considera
 in Christo illam adorandam Majestatem,
 cui serviunt Angeli, quæ rebus omnibus
 dominatur; illam potentiam, cui nemini
 resistere potest; & hæc obstupescens inclama:
 Pro me, pro me vilissimo vermiculo
 talia DEUS patitur, pro me conculcatur
 pro me DEUS ligatus, irrisus, &c. Et hoc
 sæpius repete, donec cor tuum accendatur
 tunc enim prorumpes in affectum compassi-
 onis erga Christum, talia patientem, & in
 affectum doloris de tuis peccatis, quæ fa-
 erunt causa Christo harum afflictionum.
 Deinde amore Christi facies propositum vi-
 tandi hoc vel illud peccatum, item vincen-
 di hunc vel illum respectum humanum,
 & repugnantiam in obsequio Divino.

2. Considera Christum, qui est Sapien-
 tia DEI infinita, ab Herode ejusque aulicis
 contemptum, & pro stulto habitum, irri-
 sum, atque veste alba indutum, ut ab omni-
 bus pro fatuo haberetur, & ita per plateas
 reductum ad Pilatum.

O quæ tunc probra, quæ irrisiones audivis
 cum summa patientia, ab illa face homi-
 num innocentissimus Salvator! & tu ab om-
 nibus

mnibus
 id nec
 merea
 ne,
 nes, a
 sunt i
 indut
 Christi
 nobis

EX
 Bar
 quat
 dit
 quæ
 que
 Quar
 nis,
 ris z
 notæ
 nam
 nis
 cap
 plo
 sas

omnibus vis honorari, laudari, adorari, cum
 id nec ob sapientiam, nec ob patientiam
 merearis. Confundere de hac tua ambitio-
 ne, disce à Christo, contemptus, irrisio-
 nes, ac probra, ejus amore pati; hæc enim
 sunt insignia fervorem Christi, quibus ipse
 indutus fuit apud Herodem. Pere etiam à
 Christo vestem albam puritatis, quam ipse
 nobis hac irrisoria veste comparavit.

Christus redit ad Pilatum.

I.

EXpende Christi ignominiosam cum La-
 trone Barabba comparisonem, atque
 Barabbe præ Christo electionem: quod è
 quantum dolorem Christo attulit! cum vi-
 dit se adeò contemptum ab illo populo,
 quem tot beneficiis cumulavit. Sed tu quo-
 que an non præfers Barabbam Christo?
 Quando magis adhæres suggestioni Dæmo-
 nis, quam inspirationi Divinæ: quando plu-
 ris æstimas mundi voluptatem, divitias, ho-
 nores, quam Christi gratiam & vitam æter-
 nam: quando Christi voluntatem postpo-
 nis tuæ voluntati; rationem sensui; spiritum
 carni; æternitatem bonis temporalibus. De-
 plora ergo istam excitationem tuam, depre-
 cense Christum, & ex nunc illum ejusque

E 4

gratiam

gratiam æstima super omnia, supra divites, supra amicos, supra famam, supra voluptates &c.

2. Considera vociferationem Judæorum clamantium: Tolle, tolle, crucifige hos plausus retulit Summa Sapientia, summa Sanctitas, summa Beneficentia Christi: & tu tantopere ambis laudem humanam, & plausus adeo affligeris, cum illis cares, quibus tamen undiq; indignus es. Confundere, & hinc discere contemnere laudem humanam, & gloriam à solo DEO querere, apud quem solum vera est laus, & quidem æterna.

Christus Flagellatur.

1.

EXpende Christi, in conspectu tot hominum, probrosam nuditatem, ante flagellationem. Quinta ibi fuit Christi verecundia, de qua dicit ad Patrem in Psalmo: *Tu sis confusionem & reverentiam meam!* Quantum verò te amavit! qui amore tui vultibus etiam sponari voluit, ut te veste gratiz & virtutum, ac stola gloriæ indueret. Propter te eò devenit DEUS, qui cælum stellis, terram floribus, aves plumis, Angelos gloriâ vestit, ut amore tui factus

fit

fit nudus. Tu jam vide, quid te par sit facere, amore hujus Domini. An non expedit ut te spolies omnibus affectibus inordinatis, omnibus solatiis, omnibus commoditatibus, ut Christum Ducem tuum nudum, miles nudus sequaris.

2. Vide Christum ad columnam atrociter funibus ligari non reluctantem, non resistantem, sed ultro manus ligandas offerentem. Admirare hanc Christi obedientiam, eumque imitari stude, ut propter Deum non satellitibus sed superioribus tuis, promptè obedias, & præsertim ut obedias DEO, dum tuam libertatem vult ligare, & te sibi adstringere nexu amoris.

3. Considera diram Christi flagellationem. Dira fuit ex parte temporis, quia juxta aliquos duravit una horâ & mediâ. Dira ex parte flagellorum, quæ constabat ex nervis, catenis ferreis, virgis spinosis. Dira ex numero plagarum, quarum numerantur 6666. à planta pedis, usque ad verticem Christi. Dira ex rabie carnificum, qui à dæmone incitati, crudelissimè sæviebant in Christum, alii aliis succedendo. Deniq; dira fuit ex parte carnis & complexionis Christi delicatissimæ. Vide ergo in carne Christi sulcos, vide sanguinem defluentem in terram, vide totam carnem laceratam,

vide ossa transparentia: & te ipsum hujus la-
nientem ream agnosce. Hæc enim patitur
Christus propter tuam libidinem, propter
tuas carnis delicias. De his igitur dolo,
Christo comparere, & firmiter propone fu-
gam omnis voluptatis carnalis, & carnis
mortificationem. Denique in sanguine
Christi in hac flagellatione effuso, animam
tuam contaminatam lava, dicendo cum
Psalmista: Amplius lava me Domine ab
iniquitate mea, & a peccato meo munda-
me &c.

Christus spinis coronatur.

1.

EXpende amorem Christi erga te. Non
satis fuit ipsum tam copiosum pro te san-
guinem effudisse in flagellatione. una ad-
huc pars corporis, nempe caput, superfuit
à vulnere libera: & hanc etiam voluit pro te
lacerari spinis. Vide ergo quâ rabie milites
imponunt Christo coronam spineam, eamq;
capiti sacrosancto baculis crudelissimè infi-
gunt. Vide spinas, quarum plures nume-
rantur quàm mille, usq; ad cerebrum per-
tingentes, juxta Sanctum Bernardum. Vi-
de sacrum cruorem copiosissimum primò in
faciem, deinde in corpus ex facie defluentem.
Tu verò Christiane ah quàm Christo dif-
formis es? qui caput tuum coronas cogi-
tatio-

ationibus lascivis, superbis, ambitiosis, quæ in has spinas conversæ, Christi caput laniarunt. Itané decet sub spinoso capite membrum esse delicatum? Itané Regis ad exemplum tui componeris? Ah depone aliquando amore Christi istas rosas evanidas ex capite tuo, & impone tibi coronam Christi spineam, quæ in auream in cælo convertatur.

2. Christo sic coronato, ad ludibrium traditur in manus arundo, locò sceptri. Vide quid Christo mundus offerat, & quid tibi etiam offerre possit. Nil nisi arundineum, nisi bona vacua, inania, fragilia. O quantum hoc dono tibi illudit! Cur ergo potius non amas aureum Christi sceptrum, Regni in cælis insigne? Cur tibi illudi permittis? Redi aliquando ad mentem, & solida præfer caducis, temporalibus æterna.

3. Vide quomodo Christo illudent milites, uno genu flectunt ante ipsum, & manu caput feriunt ac vulnerant. Regem appellant, sed Regem dolorum faciunt. Regem adorant, sed arundine donatum. O quoties & tu ita Christo illudis, cum eum adoras orando, sed contemnis malè operando, cum ipsum uno genu adoras, altero Diabolum: cum ipsi offerat illa arundineam & fragi-

& fragilia propofita, illam arundineam o
 mini fpiritu vacuum pietatem. Erubefce
 hanc impietatem, & ftatue Chriftum folidam
 virtute adorare, hafque illusiones compen
 fa, dicendo cum Pfalte: *Tu ipfe Rex meus &*
Deus meus, ô Domine ego fcrvus tuus, & fili-
us Ancilla tue.

*Chriftus damnatur ad Crucem,
 eamque bajulat.*

I.

CONSIDERA puſillanimitatem Pilati: Is e-
 nim agnovit Innocentiam Chrifti, di-
 cendo: *Ego nullam in eo cauſam mortis in-*
ſenio: & tamen propter reſpectus humanos,
 propter gratiam conſervandam apud Cæſa-
 rem, propter viranda odia Judæorum;
 Chriftum injuſtiſſimè damnavit ad Crucem.
 O reſpectus humani infelices! an unum ad hoc
 impulſiſti, ut Chriftum ejuſq; imitationem,
 ut vocationem reſpiceret, ut virtutem deſe-
 reret, ut damnaret Chrifti conſilia & præ-
 cepta? Ego ipſe an talis non ſum? Nolo
 deinceps eſſe ô Domine, da mihi generoſum
 animum, omnes reſpectus humanos conte-
 mnendi, ibique magis adherendi & virtuti,
 quàm amicis, quàm mundo, quàm carnis,
 omnibuſq; aliis me à te advocantibus.

2. *Vide Chriftum damnatum ad mortem,
 cruce*

cruce onustum per vias publicas procedere, atque montem Calvarie conscendere. videtur quam sæpè jam sanguine exhausto debilitatus, sub pondere crucis labitur, nec ullus adest, qui illum in cruce ferenda iuvare velit. A te igitur hoc solatium petit, illis Evangelii verbis: *Qui vult venire post me, tollat crucem suam, & sequatur me.* Non vult ut tantam, tamque gravem crucem feras, quantam ipse tulit, sed tantum vult, ut feras crucem tuam, id est crucem parvam, crucem tuis viribus accommodatam, crucem tuis peccatis debitam. Cur ergo renuis? cur te excusas? cur humeros Cruci Christi non submittis? Resolve te aliquando generosè, & offer Christò ad portandam cum illo Crucem, & disce non esse aliam ad cælum viam, nisi hanc, quã Christus ivit, crucem ferens.

Christus crucifigitur.

I.

CONSIDERA, Christo ante crucifixionem in monte Calvario, cum iam vix spiraret pro debilitate, oblatum esse vinum felle mistum. Quanta ista crudelitas fuit! Quam acerbum Christo tormentum! Quanta porro Christi erga nos charitas, qui amore nostri, nullum sensum suum, etiam gustum,

gustum, voluit esse à dolore immunem. Et tu an Christo vinum felle mistum non propinas? Cùm illi offers illas devotiones tepidas, illa bona opera tot imperfectionibus mista, cum in potu temperantiam debitam non observas. Dole de istis defectibus, atque hic & nunc offer aliquem actum heroicum, máximè alicujus tuæ repugnantiz victorem, quo gustum Christi felle exasperatum recrees.

2. Vide Christum vestibus, ad carnem concreto sanguine adherentibus, non minùs ignominiosè quàm crudeliter nudatum, ac planè excorticatum, prosterni in trabem crucis. Vide cum quanta charitate extendit manus & pedes, ut Cruci affigantur. Vide quo furore carnificum membra sacrosancta extendantur, & clavis perforentur. Vide quomodo se Christus offert in hoc altari pro peccatis tuis, in sacrificium DEO Patri. Hic verò discce amore Christi, te spoliare commoditatibus sin vestitu, in lecto, & aliis, ut nudus, nudo Christo crucifixo te adstringas. Discce crucifigere carnem tuam, manus ne quid mali operentur, pedes, ne per viam iniquitatis ad occasionem peccati ambulent, ac denique totum corpus tuum, ut dicere possis cum Apostolo: *Christi confixus sum cruci.* Itaque ad hoc te
Chri-

Christo
JESU
gi, ut d

V
dentem
qui in
nas Di
entatu
& ped
fluente
oculos,
liqua p
vacet
ber à
confu
tu,
us, s
sang
sacris
is F
non t

EX
Bea
lega
quo

Christo crucifixo promptè offer dicendo : **D**
ESU pro me crucifixe, volo tecum crucifi-
 gi, ut tecum vivam in æternum.

3. Vide inauditum spectaculum, pen-
 dentem in cruce, medium inter latrones,
 qui in throno gloriæ est medius inter perso-
 nas Divinas, nudum, lividum, undiq̃e cru-
 entatum. Vide rivus sanguinis è manibus
 & pedibus, ac toto corpore in terram de-
 fluentes. Considera totum corpus, caput,
 oculos, faciem, manus, latus, & vide an
 aliqua pars à planta pedis usque adverticem
 vacet dolore. Vide an aliquod solatium ha-
 bet à Patre, à Matre, ab amicis. Et hæc
 considerans compatere ei toto cordis affe-
 ctu, osculare omnia & singula vulnera ipsi-
 us, suppone cor tuum immundum & sterile,
 sanguini ex vulneribus mananti. Offer hoc
 sacrificium cruentum Patri pro peccatis tu-
 is. Pete à Christo, ut tanti cruciatus pro te
 non sint frustra suscepti.

Christus moritur.

1.
Expende quòd Christus moribundus, Jo-
 anni propter ejus castitatem eximiam,
 Beatam Virginem pro Matre testamentò
 legavit illis verbis: *Ecce Mater tua.* Tu
 quoque accede ad Crucem tanquam ad le-
 gulum.

ſcolum Patris tui morientis, & valedicendū
 ipſi cum lacrymis, pete ab eo ſupremam be-
 nedictionem. Pete etiam, ut aliquid tibi
 teſtamento relinquat. Et ſi amator caſtitatis
 es, audies ab ipſo tibi tradi B. Virginem
 pro Matre tua, atq; de illa ad te dici: *Eccē
 Mater tua*. Vide ergo, ut affectu Joanni
 illam deinceps ames, illique ſeruias.

2. Expende ſuprema illa verba Chriſti
 morientis: *Pater, in manus tuas commendo
 Spiritum meum*. Merito hoc dixit Chriſtus
 non enim habuit divitias, non honores, ip-
 ſum corpus jam per tot vulnera pœne ami-
 ſerat. Solus reſtabat ſpiritus: hunc ergo in
 manus Patris æterni reponit; quia dignus
 fuit complexu Patris, urpote ſpiritus puriſſi-
 mus, ſanctiſſimus, Patri obedientiſſimus, e-
 juſq; amantiſſimus. Tu verò in illo extre-
 mo mortis agone, poterisne merito ſpiritus
 tuum in manus DEI reddere? Vide qualis
 ſit tuus ſpiritus, vide cui ſeruias, an DEO,
 an mundo, an carni; ab illo enim in fine
 vitæ præmium ſperare debebis, cui tota vi-
 ta ſeruias.

3. Chriſtus inclinato capite tradidit ſpiri-
 tum. Inclinat caput in ſignum obedientiæ,
 ex qua moriebatur, inclinat caput, ut tibi
 det ſupremum osculum benigniſſimus Pater
 ſuo prodigo. Et ſic tandem paulatim deſici-
 entis

entibus
 claudun
 tur. M
 Magiſter
 huc lac
 cor me
 lacrym
 cauſa
 ram co
 crudeli
 tuam,
 DEI M
 num vi

De
 gin
 Centu
 Matre
 ali
 9

H
 DE
 Fran
 Don

DECIMUM SEPTIMUM

111

ntibus viribus color vultus mutatur, oculi
laudantur, ac denique DEUS Homo mori-
ur. Moritur Dominus tuus, Pater tuus,
Magister tuus, Pastor tuus &c, &c. Et ad-
tuc lacrymas contines, petris scissis durius
cor meum? Eliquesce tandem aliquando in
lacrymas, & desse tua peccata quæ fuerunt
causa mortis Filio DEI. Age gratias pro
tam copiosa redemptione tui, & per mortem
crudelissimam Christi, pete felicem mortem
tuam, ut in manibus Christi, in præsentia
DEI Matris moriaris, cum Christo in æter-
num victurus.



CAPUT XVIII.

De modis colendi DEIpam Vir-
ginem, præsertim in Festis ipsius.

*Centum Exercitia Pietatis proponit erga DEI
Matrem Paradisus Hagiophili, totidemque
alia Diarium Marianum. Nos aliqua,
quæ magis usui esse possunt offeremus.*

Exercitium I.

HAbere in promptu, & frequenter per di-
em usurpare aspirationes jaculatorias ad
DEI Matrem, qualis potest esse hæc Sancti
Francisci Xaverij. *Mater DEI memento mei,
Domina opitulare.* vel hæc Beati Stani-
slai

slai: *O MARIA sis mihi propitia. vel Mater DEI, monstra te esse Matrem* Hæc aspiracionem consuetam Patri Gabrieli, & varia in suis angustiis repetere oblito; stitit Beata Virgo dixitque: *Et tu mei oblito?* Talis etiam hæc aspiratio: *Mater amabilis, amo te. Et; Vivat MARIA quæ de te videbol*

Exercitium II.

Singulis diebus se devovere Beatæ Virgini in filium & mancipium, repetendo illam formulam Congregationi consuetam, *Sanctæ MARIA Mater DEI* &c.

Ita Marinus frater B Petri Damiani, supplex coram ara DEI Matris, cingulum suum collo pro fune injecit, & se non solum loco servi, sed etiam ut mancipium eidem dedicavit, quod ut re ipsa profiteretur, illo ipso loco se ipsum loco mancipii dixerat, & loco tributi argenteum nummum a cornu altaris DEI paræ deposuit. Alii deligunt & acceptant Beatam Virginem pro sponsa, exemplo Sancti Edmundi Archiepiscopi Cantuariensis, qui adhuc Philosophia studens, votum virginitatis emisit, ante Imaginem DEI Matris, ejusque digito, pro arrha suæ fidei, anulum aureum inseruit, cui insculptum erat *Ave MARIA*. Simili-

er desponsavit sibi Beatam Virginem Pater
Brunus à Sancta Cruce, Soc: JESU, cui DEL-
tara annulum in digitum inseruit.

Exercitium III.

HAbere conservas orationes ad B. Virgi-
nem, quas ipsi singulis diebus cen ve-
tigal constanter persolvas. Pater Bernar-
dinus Realinus Societ: JESU, recitabat
quotidie Rosaria 12. Pater Balthasar Mora-
lez 20. Joannes de la Febure 30. S. Ludo-
vicus Galliarum Rex, Sanctus Carolus Bor-
romæus, Sanctus Vincentius Ferrariensis, re-
citabant quotidie majus Beatæ Virginis Offi-
cium, compositum à Petro Damiano Cardi-
nali, ante annos 603. Alii cum Alphonso
Rodriquez quotidie recitant Officium de Im-
macula Conceptione, quod Beatæ Virgini
plurimum placere, multis exemplis compro-
batum est. Alii recitant Canticum B. Vir-
ginis cum 4. Psalmis, ex quorum liceris ini-
tialibus componitur sacrosanctum nomen
MARIA, uti faciebat Pater Joannes à Cam-
pis Soc: JESU. Alii Litanias Lauretanas,
quæ habent annexas Indulgentias 200. an-
norum, & jurant pro felici morte impetran-
da.

Exercitium IV.

Defendere honorem Beatæ Virginis, & cul-
tum

tum ipsius promovere. Ita Angelicus ad
 lescens Joannes Berchmans Soc: JESU, v
 tum edidit, defendendi Immaculatam Bea
 Virginis conceptionem, nisi aliter Ecclesia
 definiret, quod votum suo sanguine subfo
 pfit. Ita Carolus S. Birgittæ filius, optabat
 æterna potius supplicia pati, quam permi
 tere, ut culpa sua quidquam gloriæ Mariæ
 decederet, ob quem affectum meruit in Jud
 cio particulari à B. Virgine defendi, & Da
 monum faucibus eripi. Ita Reges ac Princ
 pes pro honore D. Elparæ ingentes fecere
 sumptus. Jacobus I. Aragoniæ Rex ultra du
 millia sacrarum ædium, nomini ejus dedica
 vit. Pulcheria Imperatrix æram ipsi ex ar
 ro elaboratam consecravit, gemmis undiqu
 distinctam.

Joannes I. Lusitanæ Rex templum prop
 Ulissiponam extruxit, ubi tantum argenti do
 no reliquit, quod quater centena nummum
 aureorum millia excederet.

Exercitium V.

Laudes Beatæ Virginis sive voce, sive scri
 pro celebrare.

Ita Sanctus Casimirus Poloniæ Princeps
 laudes ipsius cecinit. Joannes Berchman
 voto se obstrinxit, primum, quem editurus
 offeret librum, fore Apologiam Immaculata
 Conce.

ceptionis. Pater Josephus Anchiera, Societatis JESU apud Barbaros obiit, 1806. die 24. de B. Virgine, sola memoria pro chara calamo usus, composuit. Alii Alphabetum Logiorum B. Virginis conficiunt, & scribunt, ut fecit Pater Alvarus, Arias Societatis JESU. Alii de ipsius Excellentissimis ex benedicto colloquuntur crebrius, quod ipsam describit Lex I. Congregationis his verbis: *apius inter se agentes, mutuo se, ad ejus amorem & cultum, studeant impellere, & ardentem uandam cupiditatem Sanctissimi nominis eius extollendi.*

Exercitium VI.

Legere vel meditari de excellentiis, virtutibus, Beneficiis Deiparæ, præsertim diebus Sabbathi, & in festis ipsius. Ita Pater Franciscus Suarez, nostrorum Theologorum Princeps, singulis festis B. Virginis, in meditatione circa ejus virtutes, duas horas infumebat. Hoc nimirum est, ex memoria propria & intellectu, facere sacellum Beatæ Virginis, imaginibus ipsius ornatissimum, ut nullæ aliæ prophanz locum habeant.

Exercitium VII.

ANte Actiones benedictionem à Dei Matre petere.

Ita

Ita B. Stanislaus Koska, Romæ in Tyro-
nio Societatis degens, mane & vespere,
versus templum S. MARIE Majoris obv-
tebat, & flexo utroque genu, ab ea precal-
tur benedictionem, oblato illi invicem i-
corde.

Ita etiam S. Catharina Svetica, ad ini-
um cujuslibet actionis præmittebat: *A-*
MARIA. Et Pater Gonzalvus Gomez Se-
JESU, priusquam loqueretur, nomine M-
RIÆ decies prolato, linguam suam con-
crabat.

Exercitium VIII.

AMore Beatissimæ Virginis vincere ten-
tationes, & heroica opera exercere. It-
quidam infamis lasciviæ consuetudine lib-
ratus est; cum se ex consilio Sancti Berna-
di, primo per triduum amore SS. Trinita-
tis, deinde per aliud triduum amore Beati-
simæ Virginis à flagitio continuisset.

Item plurimi amore DEIPARÆ, visum-
gustum, linguam, mortificant, vimque fac-
unt, ut rapiant Regnum Dei.

Exercitium IX.

Virtutes Beatæ Virginis imitari.

Hoc genus colendi Beatam Virginem
est præstantissimum, illique gratissimum &
prescriptus in prima lege Congregationis
his, his verbis: *Vita, motumq; integritate.*
virtu-

DECIMUM SEXTUM

119

tutum illius præstantissimarum exempla
imitari coeuntur. Nam ut ait S. Ambrosius
: 2. de Virg: *Quicumq; sibi MARIE optat
premium, imitetur exemplum.*

Præcipua verò cultorum DEIPARÆ cura
est debet, imitari ipsius Angelicam mentis
corporis puritatem, quâ virtute nihil est
sibi gratius, cum eam ipsa fundaverit in
voto, quæ prima Votum Virginitatis emi-
tunt. Ita B. Aloysius, ita Alexander Tertius
huic novennis, voto se Virginitatis ob-
tinuerunt.

Exercitium X.

VARIAS mortificationes assumere in hono-
rem DEI Matris, præsertim diebus Sabba-
thi, & in pervigiliis festorum ipsius.

Ita se tanquam servum inutilem flagellis
pædebat quotidie Pater Franciscus Suarez
Societ: JESU; bis quotidie Pater Hierony-
mus de Mercado; ter Pater Joannes Seba-
stianus; quater, Pater Serrorius Caputus;
ter quaterve Pater Augustinus Espinosa,
infligens sibi quot vicibus, duo imò &
quinque idem millia; duodecies intra
unum diem & noctem Pater Gaspar Dru-
zbicki. Alii in honorem ejusdem Pretio-
sissimæ Parentis arcta instituunt jejunia,
quorum Franciscus Cardinalis Tolerus, et
siam.

etiam in ultima etate, Quadragesimanam Marianam celebrabat ante eius Assumptionem. Alii cilicio se amore illius affligunt è quorum numero Pater Joannes Neroni quotidie per annos 40. Alii cum S. Francisco Xaverio in pervigilio ejusdem somno fraudant. Alii abjecta & humilia opera, honorem humilitatis Marianæ exercent uti exercebat Pater Martinus Alberro septagenarius, cui Sabbatho domus sordes colligenti B. Virgo blandè faciem mulcens dixit *Martine, scis sordes domus colligere: Etili me valdè mihi hoc placet.*

Exercitium XI.

HAbere in conclavi Imaginem Beatæ Virginis, eamque sæpè venerari. Ita Pater Ignatius Plancus Socii JESU, nunquam è cubiculo prodibat, nisi petita benedictione à Deipara, coram ejus Imagine. Alii oculos in imaginem ejusdem defigunt, ad imitationem Sancti Alexii degentis sub portico Edesseni templi. Alii eandem in obviis ipsius imaginibus salutant, vicissimque ab eâ salutantur cum Sancto Bernardo, & cum Patre Joanne Castillo Socii JESU, qui Imaginem B. Virginis osculatus, osculum vicissim accepit ex Imagine. Alii Imaginem ejusdem secum propè cor circumferunt cum Patre nostro Ignatio.

Exer-

Exercitium XII.

Nomini Sacro Mariæ reverentiam exhibere. Ita Pater Franciscus Binantius ex ordine Minorum Nomen JESU & MARIÆ scriptorio cultello pectori insculpsit: sed hoc admirandum potius, quàm imitandum. Satis digito id facere. Alii capè hoc nomen pronuntiant: qualis fuit illa Fœmina Japonica circa annum 1691. quæ ad fidem conversa, Angelo custode excitante, per diem 140000 vicibus nomen JESU & MARIÆ pronuntiabat, sicut olim Demone eam noctu excitante, pronuntiare nomen solebat Amida Japonum Dei.

Alii nihil negant, quidquid nomine MARIÆ petitur. Alii caput inclinant, aut genua flectunt, audito hoc nomine Sacrosancto. Alii initium scribendi ab hoc nomine sumunt, ut ei laborem suum inscribant. Omissis brevitaris studio aliis exercitiis Pietatis erga B. Virginem, subjiciemus pios affectus erga eandem.

Affectus erga B. Virginem.

Qui disponi possunt per Decades
Coronæ.

3. **A** *Dea*. Eminentissima DEI Mater & Virgo, adoro te cultu Hyperdu-

perduliz, cum tota Ecclesia, tanquam Matrem DEI, & Dominam mundi.

1. *Laus.* Gloriosissima DEI Mater, Te laudo, & glorifico, & post Deum ab omnibus laudari & glorificari desidero.

3. *Gratulatio.* Gaudeo cum tota Ecclesia, & gratulor tibi de omnibus donis naturæ, gratiæ & gloriæ, super omnes Sanctos tibi à DEO collatis.

4. *Gratiarum actio.* Beneficentissima Mater DEI, agō tibi gratias pro omnibus obsequiis & affectibus Christo Domino exhibitis, & pro omnibus beneficiis toti Ecclesiæ impetratis.

5. *Amar.* Pretiosissima Mater DEI, te summè post Deum æstimō, & amo propter dignitatem tuam.

6. *Oblatio sui.* Dignissima DEI Mater, agnosco te & recipio in Matrem, & Dominam meam; meq; tibi in filium & mancipium perpetuum offero.

7. *Fiducia.* Potentissima DEI Mater, in tua intercessione spem meam post Christum, de bonis temporalibus & æternis repono.

8. *Petitio.* Benignissima Mater DEI, monstra te mihi esse Matrem in vita & in morte mea.

Ulti à hos affectus in festu B. Virginis, alii eliciendi sunt accommedati festo, quo celebratur. Itaquet.

In Feste Conceptionis & Nativita-
tis B. Virginis.

1. Salutabis cum SS. Angelis Reginam mundi, prodeuntem in hunc mundum.
2. Profiteberis, te firmiter assentiri, quod Beata Virgo sit concepta sine labe, quamdiu Ecclesia contrarium non definiverit, quod utique non speratur futurum.
3. Gratulaberis ipsi de Immaculata Conceptione, de confirmatione in gratia, de usu perfecto rationis, aliisque gratiis, quibus in instanti suae Conceptionis fuit supra omnes Sanctos à DEO cumulata.
4. Pro iisdem favoribus erga B. Virginem gratias ages SS. Trinitati, simul gratulando ipsi de illo gustu & complacentia, quam habuit de singulari opere suo, in eo instanti, quo illud creavit.
5. Adorabis in B. Virgine concepta & nata, relucentem Dei Puritatem, Sanctitatem, Sapientiam, Misericordiam, &c.
6. Offeres, tanquam subditus huic Reginae supremæ in mundum ingredienti, aliquid veſtigal, v. g. aliquid firmum propositum.
7. Per Immaculatam ejusdem Conceptionem & confirmationem in gratia, petes puritatem, utque Deum graviter nunquam offendas.

Tessera hujus diei erit: *Vivat MARI-
Immaculata concepta.*

In Annuntiatione.

1. **A**dotabis Beatam Virginem tanquam
vivum tunc tabernaculum Filii DE-
i incarnati.
 2. Gratulaberis ei de summa inter cre-
aturas dignitate Maternitatis Filii Dei.
 3. Cum tota Ecclesia ages gratias, quod
Filium Dei in uterum suum susceperit,
quod eidem sanguinem suum purissimum
ad formandum corpus præbuerit, & pro o-
mnibus obsequiis & affectibus, quibus
verbum incarnatum in suo utero profecuta
est novem mensium spatio.
 4. In honorem istorum 9 mensium, re-
citabis novies salutationem Angelicam, as-
sumendo alium Chorum Angelorum, ad sin-
gulas salutationes, & ab eis petendo, ut pro-
te laudent Matrem Dei, ac in ea Verbum
incarnatum. Ita faciebat Angelicæ virtu-
tis adolescens Joannes Berchmans Societ:
J B S U.
 5. Petes per Maternitatem ipsius, ut tibi
monstret se esse Matrem.
- Deinde per diem frequenter dices: *Beata
viscera Maria Virginis, que portaverunt a-
serui Patris Filium. Beata Mater munere,
cujus*

DECIMUM SEPTIMUM

123

Vos supernus artifex, mundum pugillo
 continens, ventris sub arca clausus est.

In Purificatione.

Gratias ages Beatz Virgini, & simul
 gratulaberis, quod prima Filium

DEI in manibus suis SS. Trinitati, in sa-
 crificium hodie obtulerit, ei que tantum
 postum & complacentiam dederit.

2. Egenti B. Virgini offeres pro turtu-
 te gemitus tuos pro peccatis; pro columba,
 candorem & simplicitatem.

3. Petes à B. Virgine, ut sicut hodie
 presentat DEO Filium suum, ita te etiam
 presentare dignetur SS. Trinitati. Deinde
 sicut deposuit Dominum Jesum in ulnis
 Simeonis, ita etiam eundem in corde tuo
 reponat & custodiat.

In Planctu B. Virginis.

1. **C**ompatieris omnibus doloribus & af-
 flictionibus B. Virginis.

2. Ages gratias pro affectibus & obse-
 quiis, quæ Christo patienti & mortuo ex-
 hibuit.

3. Ad solarium ipsi dandum, divides i-
 pfius dolorem tecum, subeundo voluntariè
 afflictiones & dolores sive animi sive cor-
 poris.

4. Petes ab ipsa per dolores, quos in
 F 3 passa-

patione Filii sui sustinuit, ut tibi morienti assistat, sicut assistit morienti in Cruce Filio suo.

In Assumptione.

1. Supplex valedices discedenti in caelum B. Virgini, & petes ab illa cum Apostolis maternam benedictionem.

2. Gratias ages ipsi, quod vivendo in hoc mundo, tot exempla virtutum Ecclesiae reliquerit.

3. Gratulaberis illi, quod illius anima e corpore exeuntem Christus complexus fuerit, super Angelos exaltavit, & coronaverit. Gratulaberis item ipsi de gloria corporis, & de laureolis.

4. Recognosces illam sic coronatam Reginam caeli & terrae, & cum singulis seorsim sanctorum ordinibus illam adorabis.

5. Pete ut in caelo sis tua apud Deum advocata in omnibus tuis indigentis.

*Tessera hujus diei Visat Regina caelorum
Visat Domina Angelorum.*

CAPUT XVIII.

Praxis colendi Sanctos Patronos.

PRAXIS PRIMA.

Diem S. Patroni devotè transigere.

Imprimis praemissa lectione, vel medita-

ione vite Sancti Patroni, eliges aliquam, virtutem ex vita ipsius, Sancto familiarem, in cuius virtutis actibus, aliquoties te per diem exercabis, in honorem ejusdem Sancti. Unde mane assignabis tibi occasionem, numerum, & modum exercendi tales actus, & in examine à te exiges hujus rationem. Deinde quaecunque actionem honestam facies, non aliter facies, nisi affectu Sancti Patroni, similem actionem exercentis, & in unione similium actionum, ipse. Itaq; die S. Ignatii, orabis affectu Sancti Ignatii, communicabis in unione communionum Sancti Ignatii, actum amoris Dei elicies affectu Sancti Ignatii, & sic de similibus.

Postremo sæpius de die invocabis S. Patronum per breves ad illum aspirationes, v. g. *SS. Patroni assume me ad vos. Esete custodes cordis mei, nunc & in hora mortis meae. Benedixi vos à Domino, qui fecit cælum & terram.*

PRAXIS SECUNDA.

Varios affectus elicere erga Sanctum Patronum per modum Coronæ.

1. Sancte Casimire, adoro te cultu dulci, tanquam amicum & Filium Dei adoptivum.

1. Gaudeo de omnibus donis natura gratia & gloria, quibus à Deo ornatus es, & præsertim de Angelica tua puritate.

3. Confundor & erubescō, quod vitium meis sim adeo tibi dissimilis, & præsertim tua puritati.

4. Ago tibi gratias pro omnibus affectibus & obsequiis erga Deum, & Mariam, & pro tutela, quam hæcenus mihi indignè præstitisti.

5. Recipio te in Patronum & Advocatum meum, ac me tibi trado in servum & clientem, in vita & morte.

6. Per amorem JESU & MARIE te rogo, sis protector meus in vita & in morte, & impetra mihi à Deo tuam puritatem.

PRAXIS TERTIA

Affectus ad DEUM circa Sanctos Patronos.

1. Adorabo Divinas perfectiones specialiter relucentes in Sanctis. v. g. puritatem in Angelis, sapientiam in Doctoribus, sanctitatem in Confessoribus &c.

2. Gaudebo & gratulabor Deo de omni honore, & amore, quem habet, & habebit v. g. à B. Aloyfio.

3. Desiderabo DEUM amare & laudare corde

de B. Aloyfii, in hac vita, morte, & in
 æternitate.

4. Gratias agam Deo pro donis nature,
 gratiæ, & gloriæ, B. Aloyfio concessis.

5. Offeram Deo omnia B. Aloyfii obse-
 quia, merita, & affectus, siue hujus vitæ, si-
 ve æternitatis.

6. Petam à Deo, per intercessionem B.
 Aloyfii, virtutem, in qua ipse excelluit,
 v. g. castitatem.



CAPUT XIX.

Modus sanctè moriendi.

HÆc est Conclusio, quæ ex hæcenus
 præmissis sequi debet. Mors Sanctæ.
 Specialiter autem ut concludas vitam in
 bona forma, hæc dum vivis præmittenda
 sunt. 1. Nullum grave peccatum, etiam
 ad breve tempus, patiari in anima, sed
 quam primum illud per confessionem dele-
 Nec unquam te ad somnum conferas, non
 præmissis actibus contritionis. Quis enim scit,
 an hac nocte non reperent à te animam
 tuam? Hæc verò, si in statu peccati mor-
 talis è corpore discesserit, ubi erit?

2. Abscesce vivendo resistere tentationi-
 bus, & sæpè elicere actus, fidei, spei, &
 charitatis, ut sic habitu contracto facilis

eos elicias in illa debilitate corporis, & doloribus morbi lethalis.

3. Nulli rei in hoc mundo nimis afficiare, sed potius ad Patriam cœlestem sapiens aspira: sic enim suaviter & sine dolore animi morieris, quia ut ait Sanctus Gregorius: *Cum dolore amittitur, quidquid cura amore possidetur.* De anima sic in affectibus suis mortificata dicit Sapiens quod *debit in die novissime.* Talis fuit Maria Ogniacensis, quæ in geminando Alleluia Alleluia, expiravit. Tales illi Angelici Adolescentes è Sec: nostra, B. Aloysius Gonzaga, & Joannes Berchmans, qui nuntio mortis accepto lætissimi decantant: *Te Deum laudamus. Latatus sum in his quæ dicta sunt mihi, in domum Domini ibimus.*

4. Cum prævisa jacula minus feriant, frequenter mortis recordare, ejusque successum DEO sæpe commenda. Hoc autem fieri potest imprimis in sacro, dum per Sacre Hostiæ fractionem representatur mors Christi Domini, ubi petes ab ipso, ne te in tua morte permittat à se in æternum separari. Deinde in meridie, cum signum datur ad orandum: tunc enim, in unione mortis Christi, quæ eo tempore contingit, in manus Domini spiritum tuum

in su
Potrem
cordaber
orit.

5. B
his sup
confi
lie diei
menfibi
quorum
conscrip
singulis
quez, d
ram, e
facto
hæc p

Obse

1.

tra, E
pericul
plicati
eniam
mine,
hæc p
pactu
in sup
20

in suo egressu è corpore, commendabis. Postremò dum te ad lectum conferes, recordaberis sepulchri, in quo requies tua erit.

5. Beatissimæ Virgini, ac Sanctis Patronis supplicia sapias, ut tibi in illo supremo confictu suppetias ferant. Sunt qui singulis diebus invocant SS. Patronos, singulis mensibus in Congregatione dari solitos, quorum nomina ad hunc finem habent, conscripta ad instar Litaniarum. Alii pro singulis diei horis, cum Alphonso Rodriguez, distribuunt Patronos, quamlibet horam, ex quibus aliqua erit suprema, hoc sacro presidio, tempestivè muniendo. Es hæc præparatio ad mortem remota.

Observanda morte iam instante.

1. **I**ntelleto mortis periculo, quamprimum pete Sacramenta Pœnitentiæ, Eucharistiæ, ac etiam, si tantum est periculum, Extremæ unctionis; necnon applicationem Indulgentiarum. Cum majori enim fructu sumuntur Sacramenta ab homine, rationis usu, & integris viribus adhuc pollente. Juvat verò cum Sacerdote pactum facere, ut te sensibus destitutum, in supremo articulo vitæ absolvat.

2. Si cui facienda est restitutio famæ, hono-

honoris, pecuniæ, fiat adhuc te vivente, si fieri potest: alioquin ut quædam primum post mortem tuam fiat, efficaciter provid

3. Condona, ex amore Christi mansuetissimæ, omnes iniurias & offensas tuis inimicis, ut DEUS tibi peccata condonet.

4. Pete veniam publicè pro defectibus à tuis superioribus, imò etiam æqualibus.

5. Si dispositio honorum faciendæ est fiat, ut monet S. Augustinus, dum sapiens es, dum tuus es. Deinde fiat in statu gratiæ, ut sic tuæ elemosinæ sint meritoria vitæ æternæ, vel si facta est in statu peccati mortalis, post confessionem ratificetur. Fiat verò ad DEI gloriam majorem & secundum ipsius voluntatem, ita ut etiam Christus in suis pauperibus institutus heres à te, qui tibi suam transcripserat hereditatem in cælo.

6. Si Superior es, monitum aliquod primum tuis subditis relinque, quod tunc cordi audientium altius insigi solet. Ita S. Ludovicus Rex Galliarum, moribundus filio suo dicebat, apud Surium: Fili mi, in eam rem ante omnia incumbe, ne unquam peccatum mortiferum committas. S. Antonius Magnus apud eundem Surium, hæc verba suprema ad fratres dixit: A

JESUM

DECIMUM NONUM

JESUM suspirate, & hoc Sanctissimum Nomen vestris figite mentibus.

7. Curet sibi infirmus przlegi passionem Domini nostri, item Historiam mortis B. Virginis, & aliquorum Sanctorum, przsertim B. Aloyfii, & Joannis Berchmans, ut exemplo pretiosæ in conspectu Domini mortis Sanctorum, discat mori. Plurimum autem ad hoc conducet liber, cui titulus: *Pretiosa morientium occupationes* à Patre Joanne Nadafi Soc: JESU, editus.

8. Svader ibidem hic author cap: 8. ut moribundus faciat has intentiones, pro sua morte.

Volo mori, quia amo DEUM, & ideo volo illi ita stantenti obedire. Volo mori, ut nunquam DEUM deinceps offendam. Volo mori, ut DEUM coram videram & perfectius amem, cum B. Virgine, & SS. Patronis, ad quos aspiro. Volo mori, ut imiter JESUM & MARIAM morientes. Volo mori, ut mortui stipendium peccati accipiam, penamq; dem pro peccatis meis. Volo mori, ut immoler DEO, cui me tot modis debeo. Volo mori, ut videram in celo in aeternum.

9. Armetur ager in hoc supremo confictu instrumentis pietatis, imagine crucifixi, Sacris Reliquiis, & imaginibus Sanctorum.

Storum, quas identidem adoret & osculetur. Item cereo benedicto, quem manibus tenens, agat DEO gratias quod se vocaverit in admirabile lumen suum, dicetque: *Tu illuminas lucernam meam; Domine illumina tenebras meas. Illumina oculos meos, ne unquam obdormiam in morte, ne quando dicat inimicus meus, prevalui adversus eum. Dum aqua lustrali aspergitur, dicatur: Exurgat DEUS & dissipentur inimici ejus; & fugiant qui oderunt eum & facie ejus. Ita Joannes Berchmaas moribundus, Crucifixum, Coronam, & regulam manu tenens dicebat: *Hæc sunt arma mea, & his armatus obiit Romæ 13. Augusti 1621. ætatis suæ 22. cum magna opinione sanctitatis.**

10. Faciat moribundus hæc vel similes protestationes: *Protestor quod morior verus Catholicus, in Fide, Spe, & Charitate in DEVM. Protestor quod solo mori mansipium JESU & MARIE. Protestor quod ex nunc & pro reliquo vitæ tempore nolo consentire ubi tentationi Demonis. Confirmo fidem datam Deo in Baptismo, & abrenuntio mundo, carni, Sathana, meq; Tibi conjungo Christo in tempore & aternitate. Protestor quod libenter accepto omnem divinam digna-*

dispositionem, tam circa animam meam, quam circa corpus, post mortem.

11. Breviter eliciat actus Virtutum, præsertim Fidei, Spei, Charitatis, Contritionis, Desiderii videndi Deum, juxta dicta in Corde Sancto ultra quæ, hæc juvabunt. Credo Domine, Spero Domine, Amo Domine. Credo & spero videre bona Domini in terra viventium.

DEUS mea misericordia mea.

In medio umbra mortis non timebo malam quoniam tu mecum es.

Cupio dissolvi & esse cum Christo.

Mibi vivere Christus est, & mori lacrum.

Ejus de custodia animam meam, ad consequendum tibi: me expectant justi, donec retribuas mihi. Ita dicebat moribundus Sanctus Franciscus.

Quando veniam & apparebo ante faciem Domini?

Huc spectant, quæ sequuntur ex soliloquio S. Augustini. Ostende Te mihi Consolator meus. Videam te lumen oculorum meorum. Veni gaudium spiritus mei. Videam te latitiam cordis mei. Amplectar te bonum, sine quo nihil bonum. Fruar te optimo, sine quo nihil optimum. cap: 1.

O vita cui omnia vident, vita qua es mea vita, per quam vivo, sine qua morior, vita

virgily

Spiritu, dulcis & amabilis, ubi quaeso es? ubi te inveniam, ut in te desicam, & in te subsistam.

Eia Domine, moriar, ut te videam, videam ut hic moriar.

Mori desidero, ut videam Christum, vivere venio, ut videam cum Christo. ibid.

O Lux, sine qua tenebra, illuminare huic caco, qui in tenebris & in umbra mortis sedet, & dirige pedes eius in viam pacis, per quam ingrediar in domum. cap. 4.

O clavis David, aperi mihi ostium luminis tui, ut ingrediar & videam te. cap. 7.

Adjuta Domine creaturam tuam. Non pereat in malitia, quod operata est bonitas tua. cap. 11.

Scio Domine: & confiteor me indignum, ut intrem sub testam tuum, sed fac propter honorem tuum, & ne confundas in te sperantem servum tuum. cap. 23.

O Fons vita, fons aquarum viventium, quando veniam ad aquas dulcedinis tuae de terra deserta, in via & in aquosa. cap. 30.

O Dies praetiosa & pulchra, nesciens sefferum, non habens occasum, in qua audiam: Intra in gaudium Domini tui, ubi erit omne bonum, & non erit aliquod malum, ibi eris, quidquid volens, & non erit quidquid niles.

Veni

Veni
ne JESU
finitum
& 16.

Ultima
cum JESU
jaculato

JESU
glia an
& Salu
tem me

tua sit
intra &
tas me

Spiritu
vivi,
M
sordi

M
Eia
des o
medic
bos e

Veni Domine & noli tardare, Veni Domi-
 ne JESU, & visita me in pace. Veni & edue
 vinculum è carcere, &c. Vide plura cap: 35.
 & 36.

Ultimò colloquatur itidem moribundus,
 cum JESU & MARIA, per breves orationes
 jaculatorias.

JESU MARIA amores mei, patiar, mo-
 giar amore vestri. O JESU, esto mihi IESUS
 & Salvator. IESU agonizans morti tua mor-
 tem meam vivo. JESU pro me mortue, mors
 tua sit vita mea. O bone JESU exaudi me,
 intra vulnera tua absconde me, & ne permit-
 tas me separari à te. Domine JESU suscipe
 spiritum meum. Tu es Christus Filius DEI
 tibi, Dominus meus & DEUS meus.

MARIA Mater gratia, Mater miseri-
 cordie.

Monstra te esse Matrem.

Eja Advocata nostra, illos tuos misericor-
 des oculos ad nos converte, & JESUM be-
 nedictum fructum ventris tui, nobis post
 hoc exilium ostende.

MATER DEI MEMENTO MEI.

O MARIA SIS MIHI PROPITIA.

CAPUT XX.

Exemplis quorundam Illustriū
Sodalium, traditur ars sanctè viven-
di & moriendi.

*Quia semper Exemplo melius docetur, iussit
bit postremò Sodalibus Marianis in hac
Palestra nobiles Athletas proponere, qui
in variis B. Virginis Congregationibus pi-
estate floruerant. Horum Princeps est.*

B. ALOYSIUS GONZAGA.

IS, Patre Imperii Principe & Castilionis
Marchione natus, septimum ætatis an-
num, suæ ad Deum conversionis tempus ap-
pellabat, eâ constantiâ nunc jam feliciter
inchoatæ, ut deinceps, (prout quatuor si-
de digni ejus Confessarii affirmarunt) nun-
quam se à D E O per mortale peccatum
averterit. Novennis adhuc, Florentiæ an-
te Imaginem Virginis ab Angelo Salutatæ,
perpetuo Virginitatis voto se obstrinxit,
tam perfectè semper observato, ut illud te-
stari potuerit Sacra Romana Rota. *Aloy-
sius nunquam stimulum carnis passus est,
nec cogitationem ullam impuram in mente
habuit.*

Temperantia planè fuit admirabilis.
Nam præter alia extraordinaria jejunia,
singu-

Singulis hebdomadis, feria sexta, & Sab-
 batho, ac etiam sæpè feriâ quartâ, solo pane
 & aqua contentus vivebat. Ter imprimis
 per hebdomadam: ac deinde in ultimis in
 sæculo annis, die quolibet semel: postremo
 ter de die, seu flagellis, seu loris, seu ferreâ
 catenula, se ipsum cædendo cruentabat.
 Sæpè asserem sibi dormienti supponebat.
 Sæpè loco cilicij acutis calcaribus tenerum
 corpus frungebat.

De studio orandi quid dicam? Mane
 quolibet, ultra prolixas vocales orationes,
 rerum sacrarum meditationi unam horam
 dabat; vesperi autem quandoque duas.
 Nec his contentus, nocte mediâ aliis quies-
 centibus, è lecto surgebat, & solo indu-
 sio etiam inter hyemis rigores lectus, ac
 præ frigore tremens, per aliquot horas, ge-
 nibus flexis meditationi vacabat: ut quan-
 doque præ corporis debilitate, in terram
 prolapsus, jacensque orationem finiret.
 Ab hac porro consuetudine orandi, non
 destitit Aloysius, etiam in aula Regis Hi-
 spaniarum biennio degens, ubi in abditos
 recessus fugiendo, quinque horas celesti-
 um rerum contemplationi impendebat.
 Modum ac frequentiam Sacre Communi-
 onis à Sancto Carolo Borromeo edoctus,
 ea tens-

ea teneritudine animi, diebus festis usurpabat, ut in lacrymas uberrimas sæpè solveretur, à quibus etiam, diebus profectis, sacrum audiens, post elevatam Sacram Hostiam, sibi temperare non poterat. Hac verò pietate insignem illum promeruit DEI Matris favorem, cum de statu vitæ deliberrans, die Assumptionis DBIparæ, sacra peracta ad hanc intentionem Communionis, illam Madriti, à Pretiosissima Parente audivit vocem *Ingrederere Societatem Filii mei.* Quam ut ingrederetur, incredibile dictu est, quantas Patris iras, quot obstacula toto triennio fortissimè superavit. Qualem verò in Societate vitam egerit, quam pretiosa morte brevi coronatam, non est propositi mei referre, qui Aloysium nondum Religiosum, sed adolescentem adhuc in tenera ætate, in aulis Regum, inter Principum delicias, Sodalibus propono. *Ex Virgilio Coparis.*

B. STANISLAUS KOSTKA

Polonus.

PLane materno adhuc ex utero in Societatem JESU vocatus esse videtur, dum splendentibus Nominis JESU radiis in utero circumfusus, antequam in lucem pro-

produsse
guino.

nocentia
tam, sec

cælum
gistri R

Hanc e
cum b

Panc A
erium e

vicalia
sta agg

Solus e
bi cani

frustra
fugatu

Ang
dite po

ad par

liquo f

in cæle

mis, s

lo non

omniu

in eo
mnia
comp

A

prodiisset, Matri suæ apparuit, teste *Grægorio*. Illibatum Virginitatis florem & innocentiam, nulla gravi labe contaminatam, secum ad Religionem, ac inde brevi ad cælum tulit, prout ejusdem in spiritu Magistri Ruizius & Julius Fatius affirmarunt. Hanc ejus innocentiam honoravit cælum, cum bis Angelos misit, qui Stanislaum, Pane Angelorum reficerent. Honorarunt etiam elementa, cum ignis aliquando cervicalia Stanislai decumbentis capiti subiecta aggressus, caput tamen non attigit. Solus exhorruit infernus, atque ille Erubi canis, qui ærotantem Stanislaum res frustra infiliit, ter ab eodem crucis signo sugatus.

Angelica ejus puritas, nec verbum audire potuit honestati adversum. Itaque ad paternam mensam, si quid liberius ab aliquo hospitem proponeretur, illico versis in cælum oculis Stanislaus, veluti exanimis, sub mensam delabi, à fratre suo Paulo non semel observatus est. Modestia, & omnium affectuum moderatio singularis in eo fuit, ut nihil in eo puerile, sed omnia matura, signum iracundiæ nullum compertum sit.

Amor Orationis quantus! quam non

interdium tantum in abditis ædium recessibus, sed noctu etiam in alto rerum omnium silentio, positus humi genibus, aut prostratus corpore, prolixam faciebat. Mensis quin assidens, sæpè cibi posne immemor, rerum Divinarum gustu mentem pascebat. Quotidie binis ternisve sacris, festo autem die, pluribus intererat, & quidem nixus genibus, corpore immotus, oculis decorè demissis, manibus ante pectus compositis, non rarò etiam à sensibus abstractus. Divinissimum Sacramentum quotidie ante initium, & post finem scholarum invisebat, idemque sumebat, Viennæ studens, quavis hebdomada, pridie cœna abstinendo.

In DEI Matrem quanta fuit pietas Stanislai! eam Matrem suam appellabat: ab ea benedictionem conversus ad templum, quidquid agendum erat, postulabat. Ejus encomia inter scholasticas exercitationes sibi tractanda assumebat, omnesque scriptioris suæ paginas illa oratione implebat. *O MARIA sis mihi propitia!* & novos semper & magnificos inveniebat titulos. Ejus Rosarium aut pios libellos, extra tempus studendi, perpetuò versabat manibus. detestatur in longo illo ac molesto itinere, *Scubi*

ubi Imaginem DEIPARÆ conspexisset, nusquam reliquit insalutatam. Itaque ipso die Virginis Assumptæ, cum paucis antedictis, per suum Patronum Laurentium, literas ad eam scripsisset, quibus postulabat, ut sibi spectatorem triumphi ipsius in cælo adesse liceret, mille osculis Imaginis DEIPARÆ impressis, Rosarium manu tenens, in honorem, ut dicebat, suæ Matris, Eandemq; tunc [ut aliqui putarunt] præsentem intuitus, ad eius complexum feliciter abiit, Romæ in Domo Probationis Societatis JESU, 1768. ætatis suæ 28. decem mensibus in Societate transactis, quam tam ardentem expetiit, ac etiam per tot viarum spatia Vienna usque Dilingam, hinc deinde Romam quæsiuit, à qua denique paternis literis minarum probrosorumque plenis, avocari non potuit. Ut proinde immanem mendacium sit, à quibusdam malevolis in hoc Regno, contumeliosè confictum, Beatum Stanislaum extra Societatem dimissum, in aliquo Xenodochio Romæ obiisse; cum tamen de hoc Romæ, nulla suspicio fuerit, ut ipse ibi exploratum habui: & nuper Clemens X. in Bulla, qua huic Beato Sacrum concessit, Pontificio Oraculo testatur, eum esse Societatis JESU, ac proinde è

Societate

Societate JESU, ac proinde è Societate non dimissum.

ALEXANDER BERTIUS
 Italus, Sodalis Collegii Florentini

ADhuc quinquennis Christi patientis cruciatus, sæpè meditari, ac de illis suaves habere sermones consueverat. A se primo ætatis suæ anno cœpit gestare ciliolum quoddam ex funiculis elaboratum, quod quia asperum ei minùs videbatur petiit à Confessario, & obtinuit catenulam qua infantiles adhuc stringebat artus. Vix novennis, non in alienam juravit perniciem, sed maior Annibale Alexander, in suæ utilitatem animæ, maturum in eunda Religionis fecit propositum, ejusdemque ab iis quorum intererat, dilatam executionem, multis lacrymis deflevit. Decimum agebat annum, quo miris resum Divinarum deliciis affluere cœpit. Aliquando enim inter duos Angelos consistere sibi videbatur, quibus à DEI patre, suæ integritatis servandæ, cura demandabatur. Quandoque ipsa pretiosissima Pater, eidem studentî assistere visa est; librorumque pagellas evolvere, semel etiam ægotanti aditare propè lectum, & flosculos ad temperandos sibi ardores admoveere. Die ejusdem Virginis.

ginis Purificatae, cum primum Sacrosanctae Eucharistiae pabulo reficeretur, videbatur sibi habere cor in duas partes divisum, ac JESUM in medio ipsius collocatum, quem exinde ea devotione in Sacramento latentem persecutus est, ut à majori altari, poenè avelli nunquam potuerit, vulgo Ephesus SS. Sacramenti appellatus.

Nihil illi grātius unquam fuit, quàm de MARIA loqui, audire, cogitare. Domum ex Oratorio redux, congregatis in aula famulis ac domesticis, primo ipsi libellum aliquem pium praelegebat; mox de rebus Divinis differebat, cum eo affectu, ut audientibus lacrymas moveret, eisdemque ibidem, ad corporis etiam flagellationem suo exemplo duceres. Morbo supremo correptus, frequenter de Christi passione, aut legere, aut differentes audire gestiebat. & si quid amaræ medicinae sumendum fuit, in illas prorumpebat voces. *O Bone IESU, quàm acerbior fuit Calix tuus!* Interim caelestibus non carebat deliciis animus. Die quodam, cum ex pia lectione, quasi in somnum se vultu hilari composuisset, à Matre quaesitus, quid ageret? Delicias, inquit, animæ meæ JESUM & MARIAM, inter innumera Beatorum agmina, loco cellissimo intuitus sum. Die altero repente ex contemplatione quadam experrectus, an nos, inquit,

inquit, coram intuemini MARIAM Dei Matrem, Dominam meam, meumque Custodem Angelum, & Mariam Magdalenam de Pazzis (erat huic Beatæ adhuc viventi, gratus admodum Alexander, & ab eadem Angelus terrestris appellatus) tum ad hos conversus hospites, multa cum illis loqui visus est. Cùm verò in illo temporis puncto, Dæmon se illi forma horrida spectandum objecisset, Quid queris, inquit, Bestia? facesse, testimonium conscientie meæ, Deo favente, bonum est. Demum præ nimia deliciarum cœlestium affluentia, quasi moræ impatiens, fractis jam viribus è lecto se proripiendo, atque ingeminando: In cœlum, in cœlum: ac fixis in cœlum oculis, sæpè JESU ac Mariæ Nominina Sacrosancta invocans, ex hac vita decessit. Florentiæ, virtute florentissimus, in Aprili Anno Christi 1608. ætatis suæ 17. Hæc tum ex libro Italico Bononiæ impresso, cui titulus, *Corona duodecim florentium*, tum ex P. Lechnero lib. 1. cap. 10.

ANTONIUS UBALDINI
C O M E S

Montis vicini Italus,

Sodalis Seminarii Romani

Planè adhuc puer, præter coronæ ac Psalmorum

morum poenitentialium, aliarumque ora-
 tionum vocalium pensum quotidianum, ,
 diebus profectis meditationem per semi-
 horæ spatium, festis verò diebus, per ho-
 ram integram protraherebat, eo sensu pieta-
 tis, ut totus accendi, ac in lacrymas solvi
 videretur, præsertim cum Christi Salvatoris
 cruciatus recoleret. Quoties sacræ mensæ
 accumberebat, (id quod frequenter solebat)
 lacrymas non poterat contingere, ultro ex
 oculis iam assuetis erumpentes. Ad eam
 verò ita se præparabat, ut unam horam me-
 ditationi, aliis adhuc dormientibus, aliam
 in Oratorio piis impenderet exercitiis, nec
 nisi post longam gratiarum actionem, inde
 recederet, & quidem ad sacram lectionem
 in suo conclavi continuandam. Præcipuè
 suum affectum DEIPARÆ colendæ consecra-
 verat. Ergo ad ejus amorem Sodales in-
 flammare, laudes ipsius celebrare, & vigi-
 lias omnes festorum, ac dies Sabbathi, in
 pane & aqua, ab anno ætatis suæ octavo
 jejunare, diebus singulis, ejusdem Virginis
 Officium recitare, familiare Antonio fuit.
 Post Deiparam, singulari per orationes quo-
 tidianas cultu venerabatur, Sanctum Ignati-
 um, Sanctum Franciscum Xaverium, & Be-
 atum Aloysium, quorum festo imminente
 die, in nudo affere, & quidem duabus dun-
 taxat per noctem horis, somnum capiebat,

reliquum

reliquum noctis partim flagellationi, partim lectioni sacre, partim orationi, diem verò pœne integrum, in Sacello D. Tutelariorum, orationi impendens. Corporis mortificatio, planè admirabilis in eo fuit. Adhuc in domo paterna puer, diebus communionis, ac DEI paræ pervigiis, nihil præter panem sumebat. In Seminario autem manens, singulis feriis sextis vix aliquid obsonii. Ter in hebdomada supra nudos asseres dormiebat, alias ligno capiti, aut libro aliquo prægrandi supposito. Præter cilia frequentia, & ferreas puncturas, alterius diebus, corpus suum catenulâ, vel intertextis, inter funiculos ferri fragmentis, dirè lacerabat, quæ laniena plerumque uno horæ quadrante, quandoq; media hora, aliquando etiam horâ integra durabat. In morbo supremo decumbens, nulla penitus sociorum colloquia, quæ de rebus piis non essent, admittere voluit. Ubi verò nuntium de morte imminente accepisset, nihil sibi dolori esse dixit, nisi quòd sine sanguinis effusione extra Japonicos carceres & flammam moreretur. Tum à suo Confessario instantè petiit, ut saltem sibi liceret novitium Societatis JESU mori. Ergo ita annuente Præposito ejusdem Societatis Generali Mutio Virellesco, veste religiosa indutus, & voris Societatis simplicibus obstrictus

Deo

Deo,
medicam
nobiscum
inter co
plexus,
tionem
aratis s
titulus

STA

So

DE

mo,

is ope

Gaspar

i. capi

missio

atque

tam in

reliqu

obsole

rio spe

hes pr

ducre

ricati

madi

Deo, vestem illam osculatus dicebat: Benedicamus Deum coeli & terræ, quia fecit nobiscum misericordiam suam. Postremò inter continua JESU Crucifixi oscula & amplexus, inter crebram Matris gratiæ invocationem, sanctè obiit 11. Julii, Anno 1629. ætatis suæ decimo septimo. Ex libello cui titulus: *Corona duodecim florum.*

STANISLAUS ZBOROWSKI, Polonus.

Sodalis Collegii Ingolstadiensis.

DE hoc Adolescente, non minùs Natalium splendoribus in Polonia Illustrissimo, quàm virtutibus Ingolstadii, ubi studii operam dabat, eximio, ita scribit Pater Gaspar Lechaerus in *Sodali Parthenio, lib: 1. cap: 9.* Modestia morum, animique submissione ea vixit, ut eum omnes in oculis atque animis ferrent. Amabat familiaritatem inire cum iis, quos fortuna inferior, à reliquorum consuetudine rejiciebat. Vestis obsoletere libenter utebatur, & à Confessario sæpè adigi debebat, ut pretiosiores vestes pro familiæ honore tuendo, subinde indueret. Orandi studio & conscientie puritati impensè studebat, ut singulis hebdomadis culpas certò expiaret. Unde factum

Etum, ut pridie quàm è vitâ discederet, monitus, ut si quid animum sollicitum haberet, foras proderet, vix levem culpam repererit. Corporis edomandi multum studiosus fuit, ut fere nihil in eo genere ab aliquo gereretur, cui nom se socium præberet, ac multo jam tempore, singulis Sabbathis à cæna abstineret. Denique cum & genus, & opes, & præclara indoles, in maximam spem eum ducerent; ille magnanimo juvene dignissimum facinus aggressus est, cæp. t. que supra humana ire. Jamque in eo erat, ut abdicatis iis, quæ nos imbelles animæ miramur, Deo se penitus in Religione emanciparet, cum à Deo Optimo ad stipendia potius accipiendâ, quàm promerenda evocatus, relicto magno sui desiderio, variolis suffocatus, è vitâ abiit Ingolstadii, Anno mortalis Dei hominis 1619.

STANISLAUS BRUDZINSKI,
Polonus.

*Sodalis Collegii Calisiiensis, &
Poznanienfis.*

ILLUSTRI ac pervetusta in Regno Poloniæ,
Paterna quidem Brudziniorum, Materna verò Russociorum, utraq; Senatoria ortus ex Familia Stanislaus, anno salutis nostræ

aetate 1601. tenerioris cursum ætatis non de-
 mi tantum, sed in Aula etiam Regia exegit:
 ubi Familiares nonnisi probatissimos admit-
 tens, pravaq; exempla devitans, innocen-
 tiam vitæ, morumque integritatem retinuit.
 Studiorum causa Posnamiam, ac deinde
 Calisium missus, tam in ludo literario,
 quàm in cætu Mariano, omnibus suis com-
 militonibus fuit exemplar modestiæ, specu-
 lum probitatis, lux & antesignanus diligen-
 tiæ. Verrere solitus Oratorium Marianum,
 dixisse aliquando fertur: Se id non modò
 libenter facere, sed etiam non aliud munus
 perpetuum in Sodalitate ambire, quàm e-
 jiciendi sordes è loco Oratorii. Elucebat
 in eo ultra ætatem singularis morum matu-
 ritas, & animi semper in qualicumque offen-
 sa placidissimi mansuetudo, quâ & alio-
 rum impetus retardabat, & omnibus sum-
 mè amabilis erat. Quinto ante morbum
 supremum die, in pervigilio SS. omnium,
 præmissis prius diligenti examine, consci-
 entiam generali totius vitæ confessione ex-
 piavit, ita puram ac innocentem, ut post e-
 jus obitum, testatus sit sacri fori iudex, se
 nullam in Stanislao noxam mortalem re-
 perisse. Morbo deinde brevi post correpsit,
 inter atroces calculi, aliosque plures
 cruciatus, ita quietus vultu ac mente decu-
 buit, nullum ut ei impatiens animi indicium

um, nulla vox eruperit, nisi illa, quæ à suo Pedagogo frequenter urgebat, ut pro se Eleemosynam pauperibus erogaret. Crescente in dies, absque spe sanitatis, morbo, trina confessione innoxiam adornans potius, quam emundans animam, hospitem ad se in in viatici specie Deum hominem, tanto ardore ac reverentia suscepit, ut vix etiam spirans, demissis tamen in terram genibus, absque ullo fulcro, per horæ fermè dimidium, cum sit præstolatus, ac continuatis per horam integram veneratus obsequiis. Tum ad Matrem ejus Virginem conversus, consvera Sodalitati forma, seipsum eidem inservum perpetuum, etiam in supremo vitæ suæ termino devovit. Et sanè expertus est singularem Matris misericordiæ opem, in periculoso illo agone, bonus filius, cum proximis morti sæpius similis respondenti ingeminaret. *Qui ego ista merui Virgo Beatissima? Non ego his dignus sum Virgo Beatissima. Ora pro me piissima Mater.* Prædie mortis à quodam quaesitus, quidnam cogitaret? conversus ad Christi crucifixi imaginem oculis, respondit: Deum meum cogito: Deum meum cogito. Tum iterum interrogatus, an mortem Deo ita volente libenter obiret? placidissimè dixit: Libenter mortem de manu Dei accipio. Erga sui quoq; nominis Tutelarem B. Stanislaum Kostkam religiosus

ligiosus
cebat:
non dese
firmitate
etiam à
Indulge
defixis
oculis,
dus, co
ere d
sur An

Plur
vestri P
cepta
hanc
stro e
parp
ad A
Palati
subfel
dum
nicat
lias d
statu
Albu
star h

igiosus, sæpè imaginem ejus osculatus dicebat: *Beate Stanislæ, tuum Stanislaum non desere.* Atq; ita post unius mensis infirmitatem, sacro perunctus oleo, applicata etiam à Sacerdote sibi præsentè, plenariâ Indulgentiâ, & SS. nomine JESU invocato, defixis in objectam sibi sacram imaginem, oculis, nobile Poloniarum Sodalitatum fîcus, corpore & spiritu in terris ardere, & lûcere defuit, Anno ætatis suæ 14. *Ita testatur Annals Sodalitatis Calisîensis.*

Plures adthleas, illustria vel hujus cæus vestri Polonaniensis, sub titulo sine labe Conceptæ Virginis Matris, decora, in Palæstram hanc deducerem, Sodales Mariani: Ex vestro enim Albo ab anno 1601. prodire ad purpuram tres Romani Imperij Principes, ad Antistitum in Regno nostro Infulas 19. ad Palatinorum laticlavias 40. totidemque ad subsellia Castellanos, ad Abbatiale pedum 8. ad Cathedralium Ecclesiarum Canonicatus 30. ad diversas Religiosorum familias ducenti propè, præter alios, quorum statum ac dignitates injuria temporum in Album non retulit. Verùm coronidis instar sit coronatus in Japenia Victor.

ALBERTUS MÆCINSKI
*Sodalis Lublinensis & Posnanien-
 sis.*

INGENS enimverò in Palæstra hac vestra
 virtutis nomen, cuius Albo inscribi postu-
 lavit anno 1614. dum exterum lustratum
 solum ac solem, ex Polonia abiret. De quo
 hæc strictim. Illustrissimis Rosinis oriun-
 dus ille, primâ statim ætate virtutibus ver-
 rare cœpit in Sodalitate Lublinensi, ac pra-
 fertim amore in Magnam DEI Matrem
 quam unicum suarum necessitatum Asy-
 lum appellabat. Ultra consæta sodalibus
 pietatis opera, solenne illi erat, simulat
 omni quiete, lectoq; tacite relicto, horu-
 rerum cœlestium meditationi tribuere, a
 moderatorum vigilantiam sanctè fallere.
 Hinc vultum ejusdem perpetuus virtuti
 comes colorabat verecundia, totum vero
 corpus modesta compositio. Inter sermo-
 nes promebat sæpè ætus illos votorum
 quos altero non nisi in orbe lymphis restin-
 gandos, accenderant illustres Martyrum
 Japonensium triumpho, in cætu Sodalitatis
 celebrati. Deliberabat jam de proposito
 vitæ, cùm subito mendiculi in platea vo-
 cem accipit, illud Davidicum occidentis
Nolite confidere in Principibus, in filiis ho-

minum

ninum, in quibus non est salus. Quo ve-
 re in animum induxit, sed mentem hanc
 acria eripiebant illi lenocinia mundi, fu-
 res orci, per aedes, quas inhabitabat, te-
 res obstrepentes; imò & matris, quæ alapa
 impressa constantiam adolescentis expugna-
 re volebat, ad primum de pio vitæ pro-
 posito nuntium. Verùm omnia hæc, lori-
 atus seipso ille virili superavit animo. Er-
 go Romam tandem à morte parentis advo-
 cat ad Tyrocinium Societatis JESU, ubi la-
 tis pietatis in cælorum Reginam habentis,
 inter paucos eximius apparuit. Novis ipsi-
 ceraugustis exornare eam titulis, iconem
 illius ad aedes D. MARIE Majoris eminus
 le genu venerari, Festa Mariana, octidua-
 ra corporis afflictione prævenire ac subse-
 qui, in emaceratos frequentibus jejuniis ar-
 dus sævire, omnibus virtutibus excolere,
 capacissimam omnium mentem, primis
 tum Mæcinii erant curæ. Ergo tanto vir-
 tutum pabulo auctæ veteres Japonici Mar-
 tyrii flammæ, in apertum erupere incendi-
 um. Impetrata magno votorum ambitu à
 Præposito Societatis JESU Generali Japoni-
 ca missio, enavigata longissima maria, tele-
 rati apud Hollandos durissimi carceres, im-
 mensi labores exantlati, tandem adita vo-
 torum apex Japonia, ipsumq; Nangazachi-
 um,

um, terminalis limes vitæ ac laborum. Centies ibi & amplius, magna undæ copia, in os supinatum atq; viscera, Heroi Europæo ingesta, iterumq; admotis tabulis medullitus expressa. Septem deinde diebus, omnibus vitæ præsidis destitutum, imò omnibus eneotum Japonicæ crudelitatis pœnis, furca ac fovea, aquis putridis stagnans præfocabat, donec tandem victorem spiritum, expromeret exprimeretq; cælo. Sic Mæcinius è vitæ naufragio, æternitatis fortunatas Insulas attingit, cœlumque in undis relucens per suam Imaginem, re ipsa beatus comprehensor obtinuit, magnus Heros Palæstræ Marianæ.

A D

M. D. G. B. V. M.

Honorem.





Protestatio Authoris.

QUÆ narrantur in hoc li-
bello de vita & virtutibus
quorundam, Beatæ Virginis
Sodalium, & miracula, Pro-
phetias, Revelationes, aliaq;
hujusmodi sapiunt: humanâ
duntaxat autoritate, non
autem Divinâ Catholicæ Ro-
manæ Ecclesiæ & Aposto-
licæ Sedis, nituntur: atq; ita
fides sit penes Authores, jux-
ta Decretum Urbani VIII. 9.
Junii, 1631.





SYLLABUS CAPITUM.

- C**aput 1. Proponuntur quaedam
Principia practica sanctè vi-
vendi pag. 1.
- Cap. 2. Remedia ad fugienda &
extirpanda vitia. 20.
- Cap. 3. Praxis exercitii matuti-
ni. 29.
- Cap. 4. Examen Vespertinum. 33.
- Cap. 5. Observanda circa quam-
cunque actionem, ut perfectè
fiat. 35.
- Cap. 6. Orationes ejaculatoriæ
per diem usurpanda. 37.
- Cap. 7. Praxis vistandi San-
ctissimum Sacramentum. 44.
- Cap. 8. Modus audiendi Sacrum. 48.

Syllabus Capitum.

- Cap. 9. Praxis recitandi Coronam
Beatae Virginis. 50.
- Cap. 10. Variarum Coronarum per heb-
domadam dicenda. 58.
- Cap. 11. Observanda circa Con-
fessionem Sacramentalem. 59.
- Cap. 12. Praxis Sacrae Commu-
nionis. 65.
- Cap. 13. Actus Virtutum Theolo-
gicarum, & Moralium remis-
sive. 74.
- Cap. 14. Praxis laudandi De-
um. 74.
- Cap. 15. De modo colendi Chri-
stum, & festa eius celebrandi. 76.
- Cap. 16. Breves meditationes de
Passione Christi. 90.
- Cap. 17. Modi colendi B. Virgini-
nem praesertim in festis ipsius. 111.
- Cap. 18. Praxis colendi Sanctos

Syllabus Capitum

Patronos.

124.

Cap. 19. Modus sanctè moriendi.

127.

Cap. 20. Exempla quorundam Illustrium Sodalium,

136.

Concluditur ars, sanctè vivendi & moriendi.

FINIS.



124.
riendi.
127.
am ll.
136.
è vi-

